





海國圖志卷五

歐羅巴人原譏

東南洋三

海岸之圖

邵陽魏源重輯

安南暹羅緬甸三國幅員相接北與中國西藏雲南廣西交界少西與印度交界餘皆以海爲界除麻六甲以外東西距約三千哩南北距共有九十萬方里山皆發脈于印度之希馬臘壓山此山最高次則以阿山爲最

餘多崎嶇難通似每一谷可爲一國無不廣大衍沃暹羅建都于曼谷兩面皆山一寬長之大谷也山雖層疊均不甚高無過五百丈者土沃產豐爲海舶市埠之最近各國皆不及前被緬甸吞并國人不服且地勢阻隔故緬甫得之旋失之復爲暹羅所有陸戰木柵甚堅步步爲營全同緬甸國王臨朝端坐威儀甚尊百官偏袒跣足屈膝蹲身盡禮致敬稱謂以金爲尊如稱上則曰金首金目金鼻金口金足之類緬甸暹羅安南三國大都身短色黝面扁體高絕少女好似頑實黠似惰實

男髮多而黑却少鬚鬚有卽拔去望若婦人與阿細亞洲各國不同然性善泛愛一見甚殷勤稍拂輒反目不若印度之柔和其居家治生亦如中國印度惟不及兩國人材技藝耳暹羅人游惰度日不尚技藝尤藐視外國人有商舶至其地輒待同蠻夷壹似無能爲役者惟尊中國而不知有他國也三國皆尊奉印度佛教凡事苟且節儉惟修建寺宇則窮極華靡塑像有雕白石者有鎔赤銅者或高丈或高二丈餘尺金彩曜目其工匠不亞於歐羅巴并有鑄像廠其價值多寡視像身之大

小出家爲僧終身不娶惟暹羅人或爲僧或返俗任意往還且云人生不可不出家不可久出家不出家則不知規矩久出家則虛度光陰蓋其出家猶中國子弟之外就傳及冠有室則不復從師所習梵典梵字及術數之類皆從僧師受之實非終身披剃之比也暹羅文學亦同緬甸大抵闡揚佛教其讚頌四百似有音律須六禮拜之久始能誦畢奉佛戒禁肉食然印度僧不盡守戒或不食家牲而食野禽謂不在律禁其在家人並以蟲蛇爲美味安南緬甸亦然蓋近中國閩廣之風矣

暹羅城沿河而建遠觀若築柵于筏上浮水而繫諸岸服色頗同東方男女皆耳環手鐲地多金礦凡酒盃檳榔盒器皿皆赤金以紬緞爲質金繡爲文觀其服可知其職之差等女服寬長而腋下疊褶畧同緬甸男逸女勞粗重工作悉委于女貿易亦皆女爲之然謹守禮法雖在市中足不踵戶未嫁之貧女有與外國人寓所傭工支持家務裏理貿易雖儼如家室不可干以非禮此俗安南尤盛治喪亦各不同緬甸貴人棺柩停斂需時庶人香膏塗屍而火化之暹羅以屍飼飛禽皆遵佛教

茶毘之制。若安南國中遇喪。則慶賀燕宴十二日。奢華甲諸國。彼則失之過慘。此則失之太奢。與其慘又寧奢也。三國皆重技藝。而廟宇中雕刻彩繪。尤各殫其妙。官民俱嗜觀劇。或在人家。或於稠衆。動輒扮演。價值甚廉。非若歐羅巴人。必有一定之戲臺。昂貴之戲價也。音樂節奏。和暢動人。女音嬌柔。尤似中國。惟意大利之音樂。三國皆不能學。暹羅國東界安南北界中國。南界海。西界緬甸。以曼谷爲國都。領部落二十有一戶口。約百有二十萬名。緬甸北隅之彌南河。發源雲南。厯暹羅之曼

谷國都

國都

義唔

國都

巴干舍

案彌南河當即雲南之瀾滄江至暹羅土名黃河水極膏沃

曼谷

國都

曼士格

金都扁

特釐巴文職

木底阿羅

麥爾古

松波

巴爾底阿

達阿依

特那色領

松波巴

青地

波頭

西晏

戈倫比

樟底目

葉希里

加磨阿以上原本

源案二十一部落名目與官書四裔考不符姑

存備考

重輯原無今補

皇清述考四裔門  
暹羅東廣南南東埔寨古暹及羅斛兩國地也。地方千里環國皆山。國分郡邑。縣隸於府。府隸大庫司。大庫司者猶華言布政司也。庫司九日暹羅

可刺細馬足曹本皮細綠束骨胎果平疋倒腦細討不六昆府十四曰綵納無老比采東板魯辣皮疋皮里采野多鏹干無里細辭滑采欲款細灣沾奔魁山縣七八門城壕磚砌周遭十餘里城中有小河通舟城外西南居民輳集王居在城西隅別建宮城約周三里有奇殿用金裝綵繪覆以銅瓦室用錫瓦堦砌用錫墨磚欄杆用銅裹木王出乘金裝彩轎或乘象車其傘蓋以菱葦葉爲之王每旦登殿官僚於臺下設氈以次盤膝坐。

合掌於頂獻花數朵。有事則具文書。朗誦上呈。俟王可否。乃退。國王自明洪武中始用中國賜印。其國官制九等。一曰握亞往。二曰握步喇。三曰握蟒。四曰握坤。五曰握悶。六曰握文。七曰握板。八曰握郎。九曰握手。選舉由鄉舉於大庫司。以文達於王所。王定期試之。咨以民事。應對得宜。始賜章服授官。考課亦以三年爲期。其文字皆旁行不通漢字。明正德中。選留貢使一二人入館肄業。後乃稍習漢文。其服色。惟王留髮冠金欺寶石形似塊鑿。上衣下裳。緞布五彩。小袖朱履。臣民皆剪髮。男女

椎結白布纏頭。官一等至四等。金欺寶石帽。五等至九等。五彩絨緞帽。衣俱兩截。襪履用牛皮。婦人粧髻簪戒指。鍔釧脂粉。畧同中國。亦上衣下裳。五彩織金花幔曳地。皮舄紅黑。炎熱卑濕。人皆樓居。上聯檳榔片簾覆之。間用陶瓦。無床桌几櫈。皆籍氈席籐而坐。官民有銀不得私用。皆送王所。委官傾瀉成珠。用鐵印印文其上。每百兩入稅六錢。無印文者以私銀論罪。初犯斷左指。再犯斷右指。三犯者死。錢穀出入之事。取決婦人。婦多智。夫聽命焉。國人有名無姓爲官者。稱握某民。上者稱奈

某下者稱隘某風俗勁悍習水戰其貢有龍涎香速香金銀香象牙胡椒藤黃豆蔻蘇木烏木大楓子薈薇露西洋閃金花緞之屬又金石則有金剛鑽寶石花錫羽毛鱗介則有孔雀五色鸚鵡犀象金絲猴六足龜花木蔬果則有黃竹紫竹貓竹石榴子水瓜土瓜又產羅斛香味清遠似沉香蓋以其地得名也明洪武中入朝賜印文始稱暹羅國順治九年十二月暹羅遣使請貢并換給印勅勘合從之自是職貢不絕康熙三年先是外洋貢船入廣東界守臣查驗屬實進泊河干封貯所攜

貢物俟禮部文到始貿易物輒毀壞二十三年六月國王遣使來貢因疏請嗣後貢船到廣具報後卽次河干俾貨物早得貿易并請本國採買器用乞 諭地方官給照置辦貢使進京先遣貢船回國次年差船迎 勅歸國許之二十四年增賞暹羅緞幣表裏五十四十七年 詔貢使所攜貨物免其徵稅六十一年 詔曰暹羅國貢使言其地米甚饒裕銀二三錢可買稻米一石朕諭令分運米三十萬石至閩廣浙江於地方甚有裨益不必收稅雍正二年貢稻種果樹其船梢目九

十六人本係漢人求免回籍許之七年

御書天南

樂國匾額賜之並減免速香安息香袈裟布疋等貢乾

隆元年六月咨禮部言往時欽賜蟒龍大袍藏承

恩亭上歷世久遠難保無虞懇再邀

恩賞賜

一二每年造福送寺需用銅斤求暫開禁採買部議不可

詔特賞蟒緞四疋加賞銅八百觔後不爲例八年九月奉

旨暹羅國商人運米至閩源源而來嗣

後外洋貨船帶米萬石以上者免船貨稅銀十之五五千石以上者免稅半之三卽載米不足五千之數亦免

其船貨稅銀十分之二次年福撫陳大受奏言閩商前赴暹羅販米其國木料甚賤應聽造船運回給照查驗報可十四年御書炎服屏藩匾額賜之十六年閩督奏准商人赴暹羅運米至二千石以上者查明議敘賞給頂帶十八年二月入貢并懇賜人蠻纓牛良馬象牙并通徵規儀內監部議不可詔賜人蠻四十六年正月暹羅國長鄭昭遣使入貢奏稱自遭緬匪侵凌雖復土報仇紹裔無人茲羣吏推昭爲長遵例貢獻方物五十一年其子鄭華嗣立復入貢詔封華

暹羅國王其國都在廣東省西南海道約四十五晝夜可至始自廣東香山縣登舟乘北風用午針出七洲洋十晝夜抵安南海次有一山名外羅入晝夜抵占城海次十二晝夜抵大崑崙島又用東北風轉舟向未及由三分五晝夜可抵大真樹港五晝夜可抵暹羅港入港二百里卽淡水洋又五日抵暹羅城其國西南有大山綿亘由暹羅沿山海而南爲宋腒勝捺仔六崑大呢皆暹羅屬國

參其國之言甚類  
海國聞見錄自東埔寨大山繞至西南爲暹羅由暹羅

沿山海而南爲斜仔六坤大咩丁葛奴彭亨山聯中國生向正南至此而止又沿海至檳山之背過西與彭亨隔山而背坐爲柔佛出柔佛而西爲麻刺甲卽丁葛奴之後山也由麻刺甲而西出於雲南天竺諸國之西南爲小西洋戈什達暹羅沿山海而至柔佛諸國各皆有王均受暹羅國所轄古分羅暹二國後合爲暹羅國俗崇拜王衣文彩佛像肉貼飛金用金爲器皿陸乘象亭象輦舟駕龍鳳見尊貴以裸體跣足俯腰蹲踞爲禮不衣禪而圍水幔尊敬中國用漢人爲官屬理國政掌財賦

城郭軒豁沿溪樓閣羣居水多鱸魚從海口至國城溪長二千四百里名黃河水深闊容洋舶隨流而入通黃河支流夾岸大樹茂林猿猴采雀上下呼鳴番村錯落田疇饒廣農時閩家棹舟耕種事畢而回無俟鋤芸穀熟仍棹舟收穫而歸粟藁長二丈許以爲入貢土物因播秧畢而黃河水至苗隨水以長長至六七尺則苗亦長至六七尺水退而稻熟矣幹河入中國勢猛而急支河入西域歸東捕寨暹羅以出海勢散而緩田疇藉以肥饒案此竟以暹羅之河與中國之黃河同源謬甚惟東西洋考謂黃水每夏秋自海中來者得之故

產米之國石可三星俗語捕鹿枝頭牽牛上樓蓋樓爲水漂沒閣息於樹梢溪屋爲水注浸引牛於樓上人有被虎噉鱷吞者告於番僧僧咒拘而虎自至咒擗綿紗於水而鱷自縛剖而視之形骸猶存有受蠱者向僧求咒則解是以俗重佛教富者卒後葬以空卽釋氏塔也又有一種其人共者咒法名也刀刃不能傷王養以爲兵衛若犯刑令番僧以咒勸化之使其自退咒法方與受刑國造巨艦載萬餘石求梔木於深山大樹先以咒語告求允許方敢下斧不則樹出鮮血動手者立亡用

牛挽輦沿途番戲以悅之。咒語以勸之。少有不順。則拔木而自回舊地。挽至廠所。其靈方息。產銀鉛錫洋布沉。述象牙犀角烏木蘇木冰斤降香翠毛牛角鹿筋藤席。佳文蓆藤貢大楓子豆蔻燕窩海參海菜。以銀豆爲幣。大者重四錢。中者一錢。次者五分。小者二分五厘。其名曰濬。皆王鑄字號。法不得剪碎零用。我以海螺巴。廈門至暹羅水程過七洲洋。見外羅山向南。見玳瑁洲鴨洲。見崙崙偏西。見大真嶼。小真嶼轉西北。取筆架山向北。至暹羅港竹嶼。一百八十八更入港。又四十更共水程。

二百二十八更而東聯東埔寨。僅水程一百十三更。何以相去甚遠。蓋東埔寨南面之海。一斤盡屬爛泥。故名爛泥尾。下接大橫山。小橫山。是以迂迴外繞而途遠也。劉健庭聞錄。暹羅古刹景邁三國。皆與緬世仇。明永厯桂王入緬時。其遺臣散入各國。有馬九功者。爲古刺招明潰兵三千。有江國泰者。暹羅妻以女。各遣使約李定國于孟良。將犄角夾攻緬。而吳三桂兵已攻永厯于阿瓦。于是李定國發憤死。二國之師失望而返。而自立

自與中國構難以來。緬加戍東北。而力戰東南。經用曠竭。百姓愁怨。四十七年。其酋孟魯。殺贊角牙而自立。國人又殺孟魯。立孟雲。而值暹羅之難。暹羅國躋長居緬西南。緬於乾隆三十六年滅之。鄭昭者。中國人也。乾隆四十三年。暹羅遺民憤緬無道。推昭爲王。乘緬匪抗拒。中國人傷財盡之後。盡復舊封。又興師占緬地。贊角牙屢爲所困。暹羅於四十六年入貢。陳其事。朝廷不使亦不止也。四十七年。鄭昭死。子華嗣。華亦有武略。孟雲不能支。乃東徙居蠻得。五十一年。鄭華受。朝封孟雲。懼

五十三年。由木邦齎金葉表入貢。送楊重英等出。

高宗哀憐之。諭暹羅罷兵。五十五年。使賀。八旬萬壽受。

封爵。定十年一貢。嘉慶十年秋。暹羅貢表。又

言方出師攻緬。得勝頑。勅諭解之。冬。緬甸叩關求

入貢。蓋乞救也。疆吏以非貢期。拒不納。而緬已削弱矣。

聖武記。阮光平旣篡黎氏。踞安南。懼王師再討。又方與  
暹羅擣兵。恐暹羅乘其後。啟闕謝罪。乞降。又言聞暹羅  
責使將入京。恐暹羅乘其後。啟闕謝罪。乞降。又言聞暹羅  
光平受封後旋死。其子阮光纘嗣立。而黎氏甥農耐王

阮福映者奔暹羅暹羅妻以女弟助之兵克復農耐農耐海錄作龍奈海國聞見錄作祿賴其國在廣南之南在東埔寨之東北卽真臘東境與廣南隔一海港勢日強號舊阮屢與新阮戰奪其富春舊都并縛獻海賊莫扶觀等于朝皆中國海盜受安南東海王爲封及總兵僞職又獻其攻克富春時所獲阮光纘封冊金印及時嘉慶四年也七年十二月阮福映全滅安南遣使入貢乞以越南名國

詔封越南國王

魏源曰明萬曆中平秀吉破朝鮮時暹羅自請出兵潛

撫日本以牽其後兵部尙書石星從之而兩廣督臣蕭

彥尼之滇撫陳用賓約暹羅夾攻緬甸緬疲于奔命遂不復內犯永曆困于緬甸暹羅復與古刺起兵攻緬以援李定國之師其忠于勝朝若是乾隆中緬甸不臣得暹羅夾攻屢捷而緬甸始貢阮光平父子篡黎氏寇沿海及暹羅助黎滅阮俘獻海盜而南洋息警其忠于國朝又若是其國每夏有黃水自海中來以漸而漲天工無人力故穀豐而賤甲乎南海自康熙來歲運洋水尺苗尺水丈苗丈水退苗熟其水將至則領國鼓樂儀仗以迎之及秋水退亦餉之如初有播植無耘耔有天工無人力故穀豐而賤甲乎南海自康熙來歲運洋

米數十萬石以濟閩粵之民食近以免稅不利粵海關故關吏陰撓之始則售米不許置貨繼則置貨不許免稅于是觀望不至若不陰撓之而且推廣於天津歲歲采買積久并可減東南之漕廣天庾之積其裨益中國又若是宜乎 聖祖有天南樂國之褒 高宗有炎服屏翰之額 視朝鮮琉球僅著恭順無裨邊疆者何如視西洋各夷歲叨中國茶黃磁絲之益反報以鴉片之毒者更何如 邏羅東境斗入大海廣袤數千里而滿刺加爲海艘之都會近日並爲英夷割據又移滿刺加市

埠于柔佛故地改名新嘉坡其八寇之兵食皆恃新嘉坡接濟暹羅軍柵堅壁同于緬甸見四洲志戰艦狹長同于安南南齊書扶南傳專尊中國藐英夷英夷究不能患西洲誠志使用明季夾攻日本之議令暹羅出兵恢復滿刺加柔佛故地而安南以札船助之則英夷有內顧巢穴之憂與驅策廓夷鄂夷攻印度之策並行不悖昔陳湯用西域破康居王元策用吐番以擣印度皆洞地利悉敵情又皆決機微外不由中制用能建不世非常之烈不然則築室盈廷亦終尼于蕭彥王凝之流而已

暹羅與南掌皆介緬甸越南之間接壤雲南之普洱元江其曼谷國都則雲南瀾滄江入海之口卽古之扶南國其東北尙有海口曰東埔寨卽古之眞臘潮水膏沃同之亦南洋都會今皆不屬英吉利

暹羅本國沿革一

唐以前爲扶南國。原無年補

晉書扶南西去林邑三千餘里在海大灣中其境廣袤三千里有城邑宮室人皆醜黑拳髮裸身跣行性質直不爲寇盜以耕種爲務一歲種二歲穫又好雕文刻鏤食器皆以銀爲之貢賦以金銀珠香亦有書記府庫文字有類於胡喪葬婚姻畧同林邑其始女子柳葉王之爲外國人混潰所據傳數世其將范尋復世王扶南泰始初遣使貢獻升平初復有竺旃檀稱王遣使貢駒象南齊書扶南傳扶南晉宋世通職貢宋末扶南王僑陳

如遣商貨至廣州有天竺道人那伽仙附載欲歸國遭風至林邑掠其財物皆盡那伽仙間道得達扶南永明二年扶南國王遣那伽仙表言林邑王本其舊奴竄逸聚衆遂破林邑自立爲王常構凶釁請中朝出師伐逆臣國願助翦撲并獻金綷龍王坐像一軀白檀像一軀牙塔二軀古貝二雙琉璃蘇鉛二口瑣珥檳榔拌一枚那伽仙詣京師言其國俗事摩醯首羅天神神常降于摩訶山土氣恒煖草木不落上報以絳紫地黃碧綠紋綾各五匹扶南人黠慧知巧攻掠傍邑不賓之民爲奴婢貿易金銀絲帛大家男子截錦爲橫幅女爲賓頭貧者以布自蔽鋟金鑄錢食器伐木起屋國王居重閣人民亦爲閣居爲船八九丈廣裁六七尺頭尾似魚國王行乘象婦人亦能乘象鬪雞及豨爲樂無牢獄有訟者則以金指鑲若雞子投沸湯中令探之又燒鎖令赤著手上捧行七步有罪者手皆燒爛無罪者不傷又令沒水直者入卽不沉不直者卽沉也有甘蔗諸蔗安石榴及橘多植榔鳥獸如中國人性善不侵戰常爲林邑

龜鳥爲禮。國法無牢獄于城溝中養鰐魚。門外圈猛獸有罪者輒以喂猛獸及鰐魚。魚獸不食爲無罪。三日乃放之。其後王憇陳如本天竺婆羅門也。有神語曰。應王扶南。憇陳如心悅。南至盤盤。扶南人聞之。舉國欣戴。迎而立焉。復改制度。用天竺法。憇陳如死。後王持梨陀跋摩。宋文帝世奉表獻方物。天監二年跋摩復遣使送珊瑚佛像。并獻方物。大同五年。又言其國有佛髮長二尺。詔遣沙門釋雲寶隨使往迎之。其國人釀黑拳髮丈所居不穿井。數十家共一池。引汲之俗事天神。天神以銅爲像。二面者四手。四面者八手。手各有所持。或小兒翹膝垂左膝至地。以白疋敷前。設金盆香爐于其上。國俗居喪。則剃除鬚髮。死者有四葬。水葬則投之江流。火葬則焚爲灰燼。土葬則瘞埋之。鳥葬則棄之中野。人性貪慾。無禮義。男女恣其奔墮。隋晝赤土國。扶南之別種也。在南海中。水行百餘日而達所都。土色多赤。因以爲號。東波羅刺國。西婆羅婆國。南訥羅旦國。北拒大海。地方數千里。其王姓瞿曇氏。不

所侵擊。不得與交州通。故其使罕至。栗書扶南國。在日南郡之南海西大灣中。去日南可七千里。在林邑西南三千餘里。城去海五百里。有大江廣十里。西北流東入於海。其國輪廣三千餘里。土地洿下而平溥。氣候風俗大較與林邑同。出金銀銅錫沉水香象牙。孔翠五色鸚鵡。其南界三千餘里。有頓遜國。頓遜國之北。有大洲洲中。有毗騫國。去扶南八千里。傳扶南東界。卽大漲海。海中有大洲洲上有諸薄國。國東有馬五洲。復東行漲海千餘里。至自然大洲。出火浣布。前有徼國人納女王柳葉爲妻。生子分王七邑。其後王混盤。况年九十餘。乃死。國人共舉大將范蔓爲王。蔓勇健有權畧。復以兵威攻伐旁國。咸服屬之。自號扶南大王。乃治作大船。窮漲海。攻屈都昆九稚。典孫等十餘國。開地五六千里。蔓遇疾死。大將范尋代立。更繕治國內。起觀閣。遊戲之。朝旦中晡。三四見客。民人以焦蔗

知有國近遠稱其父釋王位出家爲道傳位于子嗣位十六年矣有三妻並隣國王之女也居僧祇城有門三重相去各百許步每門圖畫飛禽僊人菩薩之像懸金花鈴眶婦女數十人或奏樂或捧金花又飾四婦人容飾如佛塔邊金剛力士之狀夾門而立門外者持兵仗北戶北面而坐其俗敬佛尤重婆羅門冬夏常溫雨多霽少種植無時特宜稻穄白豆黑麻自餘物產多同於交趾以甘蔗柳漿爲酒煩帝卽位募能通絕域者大業三年屯田主事常駿虞部主事王君政等請行齋物五千段以賜赤土王其年十月駿等自南海郡乘舟晝夜西與林邑相對上有神祠焉又南行至師子石自是島嶼連接又行二三日西望見狼牙須國之山於是南達雞籠島至于赤土之界其王遣婆羅門鳩摩羅以舶三十艘來迎吹蠡擊鼓進金鑛以饋駿船月餘至其都王遣其子以禮見先遣人送金盤貯香花金合貯香油金瓶貯香水自疊布四條以供使者盥洗其日未時又將

象二頭持孔雀蓋以迎使人并致金花金盤以藉謂至王宮駿等奉詔書上閣王以下皆跪宣詔訖引駿等坐奏天竺樂事畢還館又遣婆羅門就館送食以草葉爲盤其大方丈後數日請入宴儀衛導從如初見禮遣甚厚尋遣子貢方物並獻金芙蓉冠龍脣以鑄金爲多羅葉隱起成文以爲表金函封之令婆羅門以香花奏蠡鼓而送之既入海見綠魚羣飛水上浮海餘日至林邑東南並山而行其海水闊千餘步色黃氣腥唐書扶南在日本之南七千里地卑窪與環王同俗有城郭宮室王姓古龍居重觀柵城柵葉以覆屋王出獲國出金剛狀類紫石英生水底石上沒水取之可以刻玉扣以殼角乃洋人喜鬪雞以金珠香爲稅治特牧朝又獻白頭人二白頭者直扶南西人皆素首膚理如脂居山穴四面峭絕入莫得至與參半國接水經法竺芝扶南記曰扶南去林邑四千水步道通檀

和之令軍人邑浦據船官口城六里者也。自船官下注大浦之東湖太水運行湖上西流湖水日夜長七八尺從此以西朔望並潮一上七日水長丈六尺七日之後日夜分爲再潮水長一二尺春夏秋冬釐然一定高下定度水無盈縮是曰海運亦曰象水也。又兼象浦之名晉功臣表所謂金蓬清逕象渚澄源者也其川浦堵有水蟲彌微攢木食船數十日船壞源潭湛瀨有鮮魚色黑身五丈頭如馬首伺人入水便來爲害。

元史暹國當成宗元貞元年進金字表暹人與麻里子

兒舊相讎殺至是皆歸順

明史暹羅在占城西南順風十晝夜可至卽隋唐赤土國後分爲羅斛暹二國暹土瘠不宜稼羅斛地平衍暹多穫暹仰給焉元時暹常入貢其後羅斛強併有暹地遂稱暹羅斛國洪武三年命使臣呂宗俊等齋詔諭其國四年其王遣使貢駒象六足鼈及方物詔賜大統屬及綵幣洪武五年貢黑熊白猴及方物明年復來貢其王之姊別遣使進金葉表貢方物於中宮凡再却之時其王懦而不武國人推其伯父主國事遣使來告貢方

物且據本國地圖洪武七年來貢言去年舟次烏猪洋遭風壞舟飄至海南賴官司救護尙存飄餘塊羅錦降香蘇木諸物進獻廣東省臣以聞帝怪其無表既言覆舟而方物乃有存者疑其爲番商命郊之諭中書及禮部臣曰古諸侯於天子比年一小聘三年一大聘九州之外則每世一朝所貢方物表誠敬而已唯高麗頗知禮義故令三年一貢他遠國如占城安南西洋瑣里瓜莊淳泥三佛齊暹羅斛貢臘諸國入貢旣頻勞費太甚今不必復爾其移牒諸國俾知之然而來者不止其世子亦遣使上箋於皇太子貢方物命引其使朝東宮宴饗羅國王之印自是其國遵朝命始稱暹羅而比年一貢或一年兩貢至正統後乃或數年一貢云洪武二十二年溫州民有市其沉香諸物者所司坐以通番當棄市帝曰溫州乃暹羅必經之地因其往來而市之非通番也乃發宥洪武二十八年世子遣使朝貢且告其父之喪命中官趙達等往祭致世子嗣王位諭之日朕自節

位以來，命使出疆周于四維，足履其境者三十六。聲通  
子耳者三十二。風殊俗異，大國十有八，小國百四十九。  
較之于今暹羅最近，邇者使至知爾。先王已逝，王紹先  
王之緒，有道于邦家。臣民歡懌，茲特遣人錫命。王其固  
失法度，罔淫于樂，以光前烈，欽哉。永樂二年九月，有番  
船飄至福建海岸，詰之乃暹羅與琉球通好者。所司籍  
其貨以聞。帝曰：「二國修好，乃甚美事，不幸遭風，豈可因  
以爲利？」所司其治舟給粟，俟風便，遣赴琉球。是月，其王  
貢方物，乞賜列女。傳請頒量衡爲國永式，從之。先是占  
城貢使返，風飄其舟，至彭亨，暹羅驅留不遣。蘇門答刺  
及滿刺加又訴暹羅奪所賜印譜。帝降勅責之。六年中  
宮鄭和使其國，其王貢方物，謝罪。永樂七年正月，奸民  
何八、觀等逃入暹羅，帝命使者還告其主，毋納。逃其  
王卽奉命送還，賜勅幣獎之。永樂十七年，責暹羅侵滿  
刺加，王遣使謝罪。宣德八年，其國貢舟次占城，新州甚  
盡爲其國人所掠。正統元年，貢使來京，訃狀報占城王  
令盡還所掠人物。已而占城移咨禮部言：本國前歲遣  
使往，須文達那亦爲暹羅賊人掠去，必暹羅先還所掠。

本國自不敢不還。成化十七年，貢使還至中途，竊買子  
女，且多載私鹽，命遣官戒諭。先是汀州人謝文彬以販  
鹽下海，飄入其國，仕至坤岳，猶天朝學士也。後充使來  
朝，因貿易禁物，事覺，下吏。宏治十年，以四夷館無暹羅  
譯字官，詔廣東訪取能通彼國言語文字者赴京備用。  
正德四年，暹羅船有飄至廣東者，市舶中官熊宣與守  
臣議，稅其物供軍需。事聞，詔斥宣妄攬事柄，撤還南京。  
十年，進金葉表，朝貢。館中無識其字者，詔還其使。一  
二人入館肄習。嘉靖元年，暹羅占城貨船至廣東，市舶  
中官牛榮競家人私市，論死如律。三十二年，遣使貢白  
象，並獻白象尾毛爲信。帝嘉其意厚，遣之。隆慶中，其鄰  
國東蠻牛來婚，不得，殺牲辭。鷗鷺憤怒，大發兵攻破  
其國。王自經，虜其世子以歸。次子嗣位，勵志復仇。萬曆  
歷三十年，日本破朝鮮，暹羅請潛師直擣日本，牽其後  
中樞。石星議從之。兩廣督臣蕭彥持不可，乃已。迄崇禎

十六年三月猶入貢其國周千里風俗勁悍習于水戰大將用聖鐵裹身刀矢不能入聖鐵者人腦骨也王瓊里人官分十等自王至庶民有事皆決于其婦其婦人志量實出男子上婦私華人則夫置酒同飮恬不爲怪曰我婦美爲華人所悅也崇信釋教男女多爲僧尼亦居菴寺持齋受戒衣服類中國富貴者尤敬佛百金椎髻以白布裹首富貴者死用金銀灌其口而葬之貧者則移置海濱羣鳥飛啄謂之鳥葬交易用海駝是年不用馬則國必大疫其貢物有象象牙犀角孔雀毛大足駝寶石珊瑚片腦米腦糖腦脂油腦柴琥珀石丁皮肉魏紫模藤竭藤黃硫黃沒藥烏參楓子及撒哈刺西洋諸布其國有三寶廟祀中官鄭和瀛涯勝覽暹羅地方千里環國皆山嶺拔崎嶇地下濕氣侯不常或嵐或熱自占城西南舟行七晝夜方至新門海口入港方達其國王居宮室壯麗民樓居其樓密息香羅斛山速香檀香黃熟香降真香乳香樹香木香丁香烏香胡椒蘇木肉豆蔻自豆蔻華菱烏木大

璫皇人也白布纏首無綉腰束數絲繫加以綿綺壓勝跨象行或肩輿金炳傘蓋茭簾葉爲之尚釋教國人皆然僧尼甚多其服相日國言語與廣東同俗澆浮習水戰常征伐鄰邦市海駝一如錢價厥產紅馬青的石次于紅雅忽明黃衷海語旦暹羅國在南海中自東莞之南亭門放洋南至烏瀆獨諸七洲星盤坤未針至外羅坤申針四十五程至占城舊港經大佛靈山其上峯墩則交趾屬也又未針至崑崙山又坤未針至玳瑁洲玳瑁及於山西針入暹羅港水中長洲隱隆如坦船出入如中國車琪然其國之一控扼也少進爲一關守以夷酋又少道爲二關卽國都也其地沮洳無城郭王居據大城稍治內分十二塘坦酋長主焉猶華之有衙門也其要害如中國殿宇之制覆以錫板闢東壁爲巨扉是爲王門爲龜山爲陸昆猛齋猶華言總兵甲兵屬焉有奶街爲華人流寓者之居土夷乃散處水柵板閣蔭以茭草無

陶瓦也。其國右僧謂王前世皆僧。僧來世作王。其貴僧亦稱僧王。國有號令決焉。凡國人謁王必合掌跪而撫王足者三。自撫其首者三。謂之頂禮。凡王子始長習梵字。梵禮若術數之類皆從貴僧。故貴僧之權侔于王國。無姓氏。華人流寓者始從本姓。一再傳亦亡矣。人皆髡首。耻爲竊盜。其監獄則穴地爲重樓三級。謂之天牢。輕罪置上級。差重置中級。殊死者置下級。其輕刑以皮鞭。差重斷足十指。差重斷手十指。罪至殊死者腰斬。或以象蹄之貴。借爲請干王。王乃宥之。沒爲僧奴。謂之奴因。賦役省薄。惟給象爲最重。故殊死獲免者不爲奴因。則以給象終身焉。國無占候。凡日薄蝕。國人見者則奔告于王。首至者賞。建寅之月。王乃命巫占方。命力者由勝方所向掠入。而剔其膽。雜諸藥爲湯。王濡足。象濡首。以作猛氣。凡用膳。華人爲上。僧不剔。孕婦不剔。瘡痏不剔。是故用膳視歲。甲子爲多寡也。建辰之月。是爲歲首。建巳之月。始作農事。建午之月。潦始漲。建酉之月。潦退。王乃御龍舟。乃祀土穀。禾乃登。始豐。凡稼之長茂。視潦之淺深。稈長丈有三尺。穗八尺有咫。稻長盈寸。田畝贍數

曰少歉歲也。婦女多慧巧。刺繡織紝。工於中國。尤善醞釀。故暹酒甲於諸夷。婦飾必以諸香澤其體。髮日夕三四浴。戲狎不禁。雖王之妻妾。皆盛飾倚市。與漢兒相貿易。不訝亦不敢亂居。父母若夫之喪。則削髮如比邱尼。經旬乃蓄鬢。如舊。凡死喪。富者火尸。而葬貧者舉尸。筏而浮諸海。喪屬跪伏海濱。迎僧而咒。羣大鳥啄食頃刻而盡。謂之烏葬。凡有鰐患。則奔赴於王。王詔貴僧咒飯而投諸鰐所。乃以貝多葉書數符。佩以奴。沒水奉數之。僧咒而後舉。舉必盡數器。不足十品。不足以供其產多。蘇玳瑁之屬。貿易用貳。故其民饒富。豪酋各據別島。而居。奴田數百口。蓄貲每鉅萬。不蓋藏。不虞寇。西洋諸國異產奇貨。輻輳其地。匠藝工緻。嵌寶指環。時至中國。一枚植數千金。地廣兵強。嘗併有占。臘駢。黜南而私其貢。

賦以不繫中國利害置不問也。謝清高海錄曰：暹羅國在東埔寨之西，縱橫數千里。西北與緬甸接壤，國大而民富庶，船由港口入內河西行，至國都約千餘里，夾岸林木葱蘢，田疇互錯，時有樓臺，下臨水際，猿鳥號鳴，相續不絕。男女俱上裸，男以幅布圍下體，女則被裙，官長衣製與中國兩衣略同，以色辨貴賤，紅者爲上，右臂俱刺文。王則衣文彩，繡佛象其上，飛金貼身首，器皆以金，陸乘象輦，水乘龍舟，凡下見上，偏袒跣足，屈腰蹲身，國無城廟，民皆板屋，王則瓦覆其上，臨水爲之土人，多力農，時至則播種，熟則收穫，無事耘樹，故稱樂土，商賈多中國人，其釀酒販鴉片，烟闊場聚，賭三者，榷稅甚重，俗尊佛教，每日早飯，寺僧被袈裟沿門托鉢，家家必以精飯肴蔬合掌拜獻，僧回寺奉佛，外又三分之，僧食其一，鳥雀食其二，以其一飼蟲鼠，終歲如是，僧無自舉火者，出家爲僧，謂之學禮，雖富貴家子弟亦多爲之，弱冠後，聽其還俗，其婚嫁俱至僧寺拜佛，然後歸俗焉，頗重中華文字，客有能詩文者，國王多羅致之，而供其飲食，國有軍旅，則取民爲兵，一月之

丙，其糗糧皆兵自備，越月然後王家頒發，四鄰小國多屬焉，土產金銀鐵錫魚翅海參鯛魚，珊瑚白糖落花生，檳榔胡椒油蔻砂仁木蘭柳子速香沉香降香伽楠香，象牙犀角孔雀翡翠象熊鹿水鹿山馬形似鹿而大，商賈常取其無角，色青，其大者如牛山馬，形似鹿而大，商賈常取其角，假充鹿茸，犀角有二種，色黑而大者爲鼠角，價賤極大者重二三斤，小者亦重斤餘，其色稍白，而旁有一澗直上者，爲天曹角，其澗直上至頂者，亦不貴，若頂上三分無澗而圓滿，色潤而微者，則貴矣，柳木如櫻，直幹無枝，其大合抱，高者五六丈，種七八年然後結子，每歲止開花四枝，花莖傍葉而生，長數尺，花極細碎，一枝止結椰子數顆，四花分四季，采之欲釀酒者，則於花莖長盡，花未及開時，用蕉葉裹其莖，勿令花開，再以繩密束之，砍莖末數寸，取瓦罐承之，其液滴于罐中，每日清晨及午酉亥三時，則收其液，清晨所收味清酣，日出後則微酸，但微有酒味，再釀之，則成酒矣，所砍處，稍乾則又削之，花莖盡而止，椰肉可以榨油，壳可爲器，衣可爲船纜，故番人多種之，歲以土物貢中國。

暹羅屬國沿革二

今東埔寨古真臘。原無今補。

隋書真臘國在林邑西南本扶南之屬國也去日南郡舟行六十日而至南接車渠國西有朱江國其王姓利利氏自其祖漸已強盛遂兼扶南而有之居伊奢那城郭下二萬家城中有一大堂是王聽政之所總大城三十城有數千家各有部帥官名與林邑同其王三日一聽朝坐五香七寶床上施寶帳其帳以文木爲竿象牙金鉢爲壁狀如小屋懸金光焰有同于赤土前有金香爐二人侍側王著朝霞古貝綬絡腰腹下垂至脰頭戴金寶花冠被真珠瓔珞足履革屣耳懸金璫常服白疋以象牙爲屬若露髮則不加瓔珞臣人服製大抵相類有五大臣一日孤落支二日相高堯三日婆何多陵四日舍摩陵五日鬚多婁階庭門閤侍衛有千餘人被甲持仗其國與叅半朱江二國和親數與林邑陀洹二國戰爭其人行止皆持甲仗若有征伐因而用之其俗非王正妻子不得爲嗣王初立之日所有兄弟并刑殘之或去一指或劓其鼻別處供給不得仕進人形小而色

黑婦人亦有白者悉拳髮垂耳性氣捷勁居處器物頗類赤土以右手爲淨以左手爲穢每旦澡洗以楊枝淨齒誦經咒其國北多山阜南有水澤地氣尤熱無霜雪饒瘴厲毒蠭土宜稻梁少黍粟果菜與日南九真相類異者有婆那婆樹毘野樹婆田羅樹歌畢佗樹自餘多同九真近都有陵伽鉢裟山上有神祠每以兵五千人守衛之城東有神名婆多利祭用人肉其王年別殺人以夜祀禱亦有守衛者千人其敬鬼如此多奉佛法尤信道士佛及道士并立像於館大業十三年遣使貢獻帝禮之甚厚其後亦絕唐書真臘一日吉蔑本扶南屬國去京師二萬七百里東距車渠西屬驃南瀕海北與道明接東北抵驃州其王刹利氏貞觀初并扶南有其地戶皆東向坐上東客屬有戰象五千良者飼以肉世與參半驃通好與環王乾陀洹數相攻自武德至聖歷凡四來朝神龍後分爲二半北多山阜號陸真臘半南際海饒波澤號水真臘水真臘地八百里王居婆羅提拔城陸真臘或曰文單

日婆鑊地七百里王號笪屈開元天寶時王子率其屬二十六來朝拜果毅都尉大歷中副王婆彌及妻來朝獻駒象十一擢婆彌試殿中監賜名賓漢是時德宗初卽位珍禽奇獸悉縱之蠻夷所獻駒象畜苑中元會充庭實者凡三十二悉放荆山之陽元和中水真臘亦遣使入貢

宋史真臘國亦名占臘其國在占城之南東際海西接蒲甘南抵加羅希其縣鎮風俗同占城地方七千餘里有銅臺列銅塔二十有四銅象八以鎮其上象各重四千斤其國有戰象幾二十萬馬多而小政和宣和皆來朝貢封其王與占城等明史真臘在占城南順風三晝夜可至隋唐及宋皆朝貢宋慶元中滅占城而并其地因改國名曰占臘元時仍稱真臘洪武三年八月遣使臣郭徵等賚詔撫諭其國四年其國巴山王使使進表貢洪武十六年遣使賚勘合文冊賜其王凡中國使至而勘合不符者卽屬矯僞許繫縛以聞復賜織金文綺三十二磁器萬九千其王卽使使來貢洪武十九年復遣行人劉敏唐敬偕中

官賣磁器往賜洪武二十年唐敬等還其王使使貢象五十九匹香六萬斤尋遣使賜其王鍍金銀印永樂中屢入貢使者以其國數被占城侵擾久畱不去帝遣中官送之還并勅占城王罷兵修好景泰後不常至其國城隍周七十餘里幅員廣數千里國中有金塔金橋殿宇三十餘所王歲時一會羅列玉猿孔雀白象犀牛於前名曰百塔洲盛食以金盤金椀故有富貴真臘之謠民俗富饒天時常熱不識霜雪禾一歲數稔男女椎髻諸番呼華人之稱也凡海外諸國盡然文字以鹿鹿雜人罪死唐人殺番人則罰金無金則鬻身贖罪唐人者穿短衫圍梢布刑有劓刑刺配盜則去手足番人殺唐皮染黑用粉爲小條畫於上永不脫落以十月爲歲首其地謂儒爲班詰僧爲苧姑道爲入思由班詰入仕者爲華貫先時項掛一白線以自別旣貴曳白如故俗尚釋教僧皆食魚肉或以供佛惟不飲酒其國自稱甘李智後訛爲甘破蔗萬麻後又改爲東埔寨東西洋考東埔寨卽古真臘國也其國自呼甘李智後

訛爲澈浦只。今云東埔寨者，又澈浦只之訛也。先爲扶南屬國，王姓刹利氏，至質斯多那兼扶南而有之，遂雄諸夷。隋大業十三年，遣使貢獻，帝禮之甚厚。至唐疆土寢闢，神龍以來，國分爲二，北多山阜，號陸真臘，南近海號水真臘，久之仍合爲一。今賈舶所至，大都水真臘地也。宋時屢入貢，建炎間，其國屢與占城戰失利，至建元時，大興復仇，破占城，遂王其地，改國號占臘，於是地方船未有到王城者，只到海隅一屬國耳，故不見其靡麗。或云卽蒲甘也。按宋史，蒲甘入貢，朝議欲待以交趾之禮，乃本朝貢夷，獨無蒲甘，應是爲真臘所并，無疑矣。

源案蒲甘卽今澇口夷，一作龍奈。

皇清通考四裔門東埔寨，在西南海中，海岸多泥，名爛泥尾，北枕大山，國中無城池，王卽山而建府，架竹木爲之，覆以茅葉，民居亦然。其尤近海濱者，潮汐至則屋爲

之浮而上沉而下，天時暖而不寒，常若春夏，衣不以鉢扣披于其身。若尸解者，下則圍以裙，名曰水幔，首蓄髮。

蒙以花帕自王至於國人，無異制，惟貴者始得服綢緞，國人皆布。以是爲等差，人柔弱，喜飼象，教之操演禦敵，飲食咸用手搏。以漁獵耕種爲業，帶劔入山，尋犀角，獻尊長以爲禮。父母喪，則薙髮以黑色爲居喪之服。土產蘇木、象牙、白荳蔻、腦黃、麋皮、檳榔子、黃蠟，每冬春間，浙閩粵商人往彼互市，近則兼市絲絹，及夏秋乃歸。粵人之歸也，舟必經七洲大洋，到魯萬山，由虎門入，計程七千二百里，距廈門水程一百七十更。國王名辣王，丹女之子篡之，不知其姓名。安南暹羅屬國也。其旁有尹代嗎國，距廈門水程一百四十更，亦屬安南暹羅。風俗畧與港口東埔寨同。

海國聞見錄曰：廣南沿海，至占城祿賴，繞西而至東埔寨，廈門至占城水程一百更，至東埔寨水程一百一十三更。東埔寨雖另自一國，介在廣暹二國之間，東貢廣南，西貢暹羅，稍有一遜。水陸各得並進而征之。番係白頭，無來由多裸體，以布幅圍下身，名曰水慢，地產鉛錫，象牙、翠毛、孔雀洋布、蘇木、降香、沉速諸香、燕窩、海菜藤。案海錄祿賴作龍柰，東埔寨作本底國。

寰清通考四裔門。港口國瀕西南海中。安南暹羅屬國也。王鄭姓。今王名天賜。其沿革世次不可考。國中多崇山。所轄地纔數百里。有城以木爲之。宮室與中國無異。自王居以下。皆用磚瓦。服物制度彷彿前代。王蓄髮戴網巾紗帽。身衣蟒袍。腰圍角帶。以鞶爲履。民衣長領廣袖。有喪皆白衣。平居以雜色爲之。其地常暖。雖秋冬亦不寒。人多裸而以裳圍其下。相見以合掌拱上爲禮。重文學。好詩書。國中建有孔子廟。漢人流寓其地。有能句讀曉文義者。則延以爲師。子弟皆彬彬如也。土產海參。魚乾。蝦米。牛脯。雍正七年後。通市不絕。經七洲大洋。到魯萬山。由虎門入口。達廣東界。計程七千二百里。距廈門水程一百六十更。源案港口地方。與東埔寨相連。非海島也。亦真臘舊境。疑即宋史所謂蒲甘國。而阮王福映之農耐舊國。一作龍奈者也。通考修于乾隆末。而阮福映借暹兵克復安南。則在嘉慶初云。

元周達觀真臘風土記。真臘國或稱占臘。其國自稱曰甘字智。今我元按西番經。名其國曰澈浦只。蓋亦甘字。知之近音也。自溫州開洋行丁未針。歷閩廣海外諸州。阮福映借暹兵克復安南。則在嘉慶初云。

港口過七州洋。經交趾洋。到占城。又自占城順風可半月到真蒲。乃其境也。又自真蒲行坤申針。過崑崙洋。入港。港凡數十。惟第四港可入。其餘悉以沙淺故不通。巨舟然彌望皆修藤古木。黃沙白葦。倉卒未易辨認。故舟人以尋港爲難。自港口北行順水可半月抵其地。曰查南。乃其屬郡也。又自查南換小舟。順水可十餘日。過半路村。佛村。渡淡洋。可抵其地。曰干傍。取城五十里。按諸番志。稱其地廣七千里。其國北抵占城。半月路。西南距暹羅。半月程。南距番禺。十日程。其東則大海也。舊爲通商往來之國。本朝唆都元帥之置省。占城也。嘗遣一虎符百戶。一金牌千戶。同到本國。竟爲拘執不返。元貞乙未。遣使招諭。以次年二月離明州。二十日自溫州港口開洋。三月十五日抵占城。中途逆風不順。七日始至。大德丁酉六月回舟。八月十二日抵四明。又曰。天時耕種歲可三四熟。蓋四時常如夏。不識霜雪也。其地半年有雨。半年無雨。自四月至九月。每日午後必雨。淡水洋中。水痕漸高。至七八丈。巨樹盡沒。惟畱一杪。人家濱水而居者。皆移入山。至十月後。點雨絕無。洋

中僅可通小舟，深處不過三五尺。人家又復移下矣。耕種者計何時稻熟，是時水可渰至何處，隨其地而播種之。又有一等下田不種，常生水高至一丈，而稻亦與之俱高。凡稻田蔬圃皆不用糞。唐人到彼，皆不與言及中國糞壅之事，恐爲所鄙也。

又曰：山川自入數真蒲以來，平林夾岸，長江巨港，綿亘百里。古樹修藤，禽聲雜還。至半港始見曠田，則又絕無寸水。彌望禾黍芃芃而已。野牛千百成羣，游聚其間。又有竹坡，亦綿亘數百里。其間竹節相間，生刺筍，味至苦。四畔皆有高山。

又曰：屬郡九十餘日，真蒲曰查南，曰巴澗，曰莫良，曰八薩。曰蒲買，曰雉棍，曰木津波，曰賴敢坑，曰八廝里。其餘不能悉記。各置官屬，皆以木柵爲城。

又曰：每一村或有寺，或有塔。人家稍密，自有鎮守之官。大路旁亦有郵亭之類，近與暹人交兵，遂皆荒曠。

又曰：風俗前此有八月取膽之俗，因占城王每年索人膽一囊，萬千餘枚。遇夜則多方令人於城中及村落取之，俟數足以饋占城王。近年已除此惡俗。

又曰：國人交易皆婦人。所以唐人到彼，必先納一婦，以司貿易。瀕海山野之人，炎日蒸炙，面黧首黔。至王宮貴室之婦女，不親風日，仍瑩潔如玉。惟女甫及七八九歲，卽必延僧先開其童身。十二卽嫁，先天不完，故甫及二十卽如四十歲人。其俗小兒入學者，皆先就僧家教習，暨長而還俗。其故莫能考也。

又曰：地苦炎熱，每日非數次澡浴，則不可耐。入夜亦不免一二，次初無浴室，益匱。但每家各有一池，否則兩三家合一池，不分男女，皆裸浴其間。惟父母尊長與子女卑幼，先後尙相迴避，如行輩則無拘也。城外大河無日無之。水常溫如湯，惟五更則微涼。至日出則復溫矣。唐人之爲水手者，利其國中，不著衣裳，且米糧易給。婦女易得。屋室易辦，器用易足。貿販易獲利，往往逋畱不返。又曰：軍卒亦多裸跣，右執標鎗，左執戰牌，無弓箭砲石甲冑。傳聞與暹人相攻，皆驅百姓使戰，別無謀畫。

又曰：國王乃故國主之婿，原以典兵爲職。使女竊其金劍，遂據其國，身嵌聖鐵刀箭，不能傷。恃此出游無忌。凡出時，諸軍馬擁其前，旗幟鼓樂踵其後。宮女三百花。

布花髻手執巨燭自成一隊雖白日亦照燭又有官女皆執內中金銀器皿及文飾之具制度迥別不知何用又有宮女執標鎗標牌爲內兵又成一隊又有羊車馬車皆金飾之臣僚國戚皆騎象在前遠望紅涼傘不計其數又其次則國王之妻及妾媵或輜或車或馬或象其銷金涼傘何止百餘其後則是國主立于象上手持寶劍象牙亦以金飾之張銷金白涼傘凡二十餘柄其傘柄皆金爲之其四圍擁簇之象甚多又有軍馬護之若遊近處止用金轎皆以宮女舁之大凡出入必奉小金塔金佛在其前觀者皆跪地頂禮國王日兩次坐衙治事凡臣民欲見國王者皆先列坐地上以俟少頃內中隱隱有樂聲在外方吹螺以迎之須臾見二宮女纖手捲簾而國主乃仗劍立于金窗之中矣臣僚以下皆合掌叩頭螺聲方絕王坐獅子皮聽事旣畢尋卽入內二宮女復垂其簾諸人各起散矣

海國圖志卷六

東南洋四 海岸

邵陽魏源撰

暹羅東南屬國今爲英吉利新嘉坡沿革三

舊柔佛等國新嘉坡一作新州府一作星忌利坡皆字音相近原無今補

即滿刺加

明史滿刺加在占城南順風八日至龍牙門又西行二日卽至或云卽古頓遜國唐曰哥羅富沙梁書海南諸在海嶺上地方千里城去海十里有五王並羈屬扶南杜氏通典頓遜國梁時聞焉在海嶺山上北去扶南可三千里其國之東界通交州其西界接天竺諸國賈人多至其國而互市焉頓遜廻入海中千餘國漲海無涯岸船未會得逕過也其市東西交會日有萬餘人珍寶物貨無種不有又哥羅富沙國亦見通典其地

無王亦不稱國服屬暹羅歲輸金四十兩爲賦永樂元年遣使賜以織金文綺宣示威德招徠之其酋大喜遣使隨入朝貢永樂三年九月至京師詔封爲滿刺加國王請封其山爲一國之鎮帝製碑文勒山上永樂九年王率妻子陪臣五百四十餘人來朝抵近郊命中官有司宴勞供張會同館入朝奉天殿帝親宴之錫賚甚厚永樂宣德中王屢率妻子陪臣來朝並訴暹羅見侵狀朝廷屢敕暹羅暹羅乃奉詔成化十七年九月貢使言成化五年貢使還飄抵安南境多被殺餘黥爲奴今已

據占城地又欲吞本國帝乃因安南使還勅責其王後佛郎機強舉兵侵奪其地國王出奔遣使告難時世宗已嗣位勅責佛郎機令還其故土而諭暹羅國諸王救災卹鄰迄無應者滿刺加竟爲所滅時佛郎機亦遣使朝貢請封抵廣東守臣以其國素不列王會羈其使以聞詔予方物之直遣歸後改名麻六甲云所貢物有瑪瑙珍珠玳瑁珊瑚樹鶴頂金母鶴頂瑣服白苾布西洋布撒哈刺犀角象牙黑熊黑猿白麂火雞鸚鵡片腦耆微露蘇合油梔子花烏爹泥沉香速香金香阿魏之屬

有溪可淘沙取錫。田瘠少收。民皆淘錫捕魚爲業。氣候朝熱暮寒。男女椎髻黝黑。間有白者。唐人種也。俗淳厚。市道頗平。自爲佛郎機所破。其風頓殊。商舶希至。多直詣蘇門答刺。然必取道其國。率被邀劫。路幾斷。其自販于中國者。則直達廣東香山澳接跡不絕云。

明黃衷海語。滿刺加在南海中。始爲暹羅屬國。厥後守土酋長叛其主而自立。自東莞縣南亭門放洋。星盤與暹羅同道。至岷崙洋。直子午。收龍牙門港。二日程。至其國。爲諸夷輜輶之地。亦海上一小都會也。王居前屋。用

瓦。乃永樂中太監鄭和所遺者。餘屋皆錫箔爲飾。遇制使若列國互市。王卽盛陳儀衛以自倣備。民皆居土室。其尊官稱姑郎伽邪。巨室稱南和達。民多饒裕。富家胡椒有至數千斛。象牙犀角西洋布珠貝香品所蓄無算。文字皆梵書。貿易以錫行。大都錫三斤當銀一錢。牙倖交易。揭指節以示。數千金貿易。不立文字。指天爲約。卒無敢負者。不產五穀。米稻皆販自羅崛巒坡隄里。俗奉回教。禁豕肉。以酥酪和飯而啖。雞犬鴦鷺常仰販他國。價五倍於華民。性獵暴而重然諾。刃不離頸。刻語不合。

輒挺刀其胸逃匿山谷踰時乃出死者家不復尋讐姑郎伽邪亦不復追論矣地多崇山大谷陸行可達暹羅嘗併有瓜哇之國古闍婆國然瓜哇夷素兇狡凡受傭其地而戕害其主者十八九惟善制藥筒中其矢者無不立死正德間西洋佛郎機之船互市爭利而鬭夷王執其那達而囚之佛郎機人歸愬於其主乃治八大艘精兵及萬乘風突襲其國大被殺掠滿刺加王退保陂隄里佛郎機將以其地索賂於暹羅而歸之暹羅辭焉佛郎機滿載而去王乃復所瀛涯勝覽滿刺加舊名五嶼以海有此山也東南距海西北皆

岸連山地瘠鹵收穫殊寡故未稱國隸暹羅歲輸金五十兩否則被伐永樂七年己丑上命太監鄭和冊爲國王王自是不役屬暹羅攜妻子赴京謝願修職貢上賜舶還其境有大溪灌王宮入海跨溪橋之構亭于上約二十餘楹交易者來集俗尚回教持齋受戒王以白纏頭風俗淳樸民舍如暹羅聯搨趺坐業漁剗木爲舟泛海而漁婚喪類瓜哇中國舶亦至其地栴木爲柵關四門鼓樓夜巡以鈴內設重柵有倉庫可貯貨五月中方發舶厥產黃連香烏木打魔香此香乃樹脂墮地中遇火卽燃國人以當燈及塗舟水不能入明望者若金箔名水珀是已南懷仁坤輿圖說滿刺加國地不甚廣爲海南輜輶正在赤道下春秋二分氣候極熱賴無日不雨故可居產象及胡椒佳果木終歲不絕人良善不事生業或彈琵琶閒遊

謝清高海錄宋卡國在暹羅南少東由暹羅陸路十八日水路東南行順風五六日可到疆域數百里或作

宋腳或作宋脣勝土番名無來由地曠民稀俗不食豬  
與回同鬚止畱下領出入懷短刀自衛娶妻無限多  
寡男女將婚男必先損其童身女年十二卽嫁十三  
四便能生產男多贅於女家俗以生女爲喜以其可以  
贅壻養老也若男則贅於婦家不獲同居矣其資財則  
濕爲佳不封土不墓祭王傳位必以嫡室子庶子不得  
立君臣之分甚嚴王雖無道無敢覬覦者卽宗室子弟  
國人無敢輕慢婦人穿衣褲男子唯穿短褲裸其上有

事則用寬幅布數尺逢兩端襲於右肩名沙郎民見王  
及官長俯而進至前蹲踞合掌于額立而言平等相見  
唯合掌于額餘與暹羅畧同山多古木土產孔雀翡翠  
瑣瑣象牙胡椒檳榔椰子銀鐵沉香降香速香伽楠香  
海參魚翅歲貢于暹羅皇清通考四裔門宋脣勝在西南海中屬暹羅俗佞佛以手圍食男蓄髮削其鬚著衣袴無鞋襪首插雉尾腰繫正帛事耕漁常佩刀女椎髻跣足短衣長裙披錦于肩能紡織土產牛鹿肉蝦米燕窩海參番錫之屬木朝雍正七年後通市不絕其國距廈門水程一百八十更旁有接風俗男子服短衣布慢跣足持刀女穿花色衣被絲綢足曳淺施鞋土產燕窩番錫象牙棉花其國距廈門水程一百八十更西與六崑國接六崑風俗物產同珠

仔距廈門水程一百五十更。大呢一名大年，在西南海中東北與六崑接，男女短衣跣足佩刀執鎗。土產胡椒、蝦米、燕窩、黃蠟牛鹿脯。其國距廈門水程一百五十更。三國自雍正七年後通市不絕，與宋腒勝俱暹羅屬國。

海錄又曰太呢國在宋卡東南，由宋卡陸路五六日水路順風約日餘可到。連山相屬，疆域亦數百里。風俗土產均與宋卡略同。民稀少而性兇暴，海艘所泊處謂之淡水港。其山多金山頂產金處，名阿羅帥。由淡水港至此須陸行十餘日，由吉蘭丹港口入，則三四日可至。故中華人到此淘金者，船多泊吉蘭丹港內，以其易于往來也。國屬暹羅，歲貢金三十斤。明張奕東西洋考太呢國華人流寓甚多，趾相

踵也。至獻果幣，如他國初必設食待華人，後來此禮漸廢矣。貨賣彼國，不敢徵稅，惟與紅毛售貨，則湖絲百觔稅紅毛五斤，華人銀錢三枚。他稅稱是，若華人買彼出貨下船，則稅如故。

又曰吉蘭丹國，在太呢東南，由太呢沿海順風約日餘可到。疆域風俗土產略同太呢，亦無來由種類，爲暹羅屬國。王居在埔頭，埔頭者，朝市之處，而洋船所泊也。周圍種芍竹爲城，加以木板僅一門。民居環竹外，王及官長俱席地而坐，裸體跣足，無異居民。出則有勇壯數十擁護而行，各持標鎗。見者咸蹲身合掌。王過然後起。政簡易，王日坐堂，酋長有稱萬者，有稱斷者，咸入朝環

坐議政事有爭訟者不用呈狀但取蠟燭一對俯捧而進王見燭則問何事訟者陳訴王則命宣所訟者進質王以片言決無曲直無敢不遵者或是非難辨則令沒水沒水者令兩造出外遇道路童子各執一人至水旁延番僧誦咒以一竹竿令兩童各執一端同沒水中番僧在岸咒之所執童先浮者則爲曲無敢復爭童子父母習慣亦不以爲異也又其甚者則有探油鍋法盛熱油滿鍋番僧誦咒取一鐵塊置鍋中令兩造探而出之其理直者則毫無損傷否則鼎沸傷人終不能取非自反無愧者鮮不臨鍋而服罪故訟者無大崛強而君民俱奉佛甚虔王薨或子繼或弟及雖有遺命然必待民心之所歸而後卽位若民不奉命而兄弟叔姪中有

爲民所戴者則讓之而退處其下不然雖居尊位而號令亦不行也土番居埠頭者多以捕魚爲生每日上午各操小舟乘南風出港下午則乘北風返棹南風謂之出港風北風謂之入港風日日如此從無變易殆天所以養斯民也其居山中者或耕種或樵採上無衣下無褲唯剝大樹皮圍其下體亦無屋宇穴居巢處凡土番俱善標鎗能鄒殺人於數十步外乘便行劫避匿老林故山谷僻處鮮有行人爭訟有不能決者常自請於王願互用標鎗死無悔王亦聽之但酌令理直者先標中

而死，則彼家自以尸歸。不中，則聽彼反標，顧鮮有不中者。婦女淫亂而禁嫁華人，故閩粵人至此鮮娶者。有妻子，皆逼羅女也。犯姦者事發，執而囚之，度其身家厚薄而罰其金。凡犯令者亦然，少笞杖之刑。國有大慶，王先示令擇地爲場。至期，于場中飲酒演戲。國人各以土物貢獻，王受其儀。于場中賜之飲食，四方來觀之。華夷雜沓，姦賄無禁。越月而後散。凡獻餽儀物，皆以銅盤盛之。戴于首而進，飲食不用箸，多以右手搏取，故重右而輕左。人若以左手取食物相贈遺，則怒爲大不敬云。地多瘴。

厲華人至此必入浴溪中，以水灌頂，多至數十桶。俟頂上熱氣騰出，然後止。日二三次，不浴則疾發。居久則可少減，然亦必日澡澣。卽土番嬰疾，其傷於風熱者，多淋水卽瘳，無庸藥石。凡南洋諸國皆然。其地有雙戈及呀喇頂等處，皆產金。由吉蘭丹浦頭入內河南行二日許，西有小川通太呢阿羅帥，又南行日餘，雙戈水會之。又南行十餘日，則至呀喇頂，與彭亨後山麻姑產金處相連，河中巨石叢雜，水勢峻厲，用小舟逆挽而上，行者甚艱。中國至此者歲數百，閩人多居埔頭，粵人多居山頂。

山頂則盜取金砂。埔頭則販賣貨物及種植胡椒。凡洋船到各國，王家度其船之大小，載之輕重，而榷其稅。船大而載重者，納洋銀五六百枚。小者二三百不等。謂之凳頭金。客人初到埔頭，納洋銀一枚。居淡歲，又納丁口銀一枚。居吉蘭丹山頂，掏金欲回中國者，至埔頭必先見王，納黃金一兩。然後許年老不復能營生者減半。若甲必丹知其貧而爲之請，則免。甲必丹者，華人頭目也。凡洋船造船出貨者，謂之板主。看羅盤指示方向者。謂之夥長，看花者謂之太工。管理銀錢出入者謂之財庫。

艙口登記收發貨物者，謂之清丁。而出資，貨船置貨貿易，則爲船主。船中水手悉聽指麾，故有事亦唯船主是問。其釀酒販鴉片，開賭場者，稅亦特重。私家逋負，酋長嘗置若罔聞，而賠賬則追捕最力。各國多如此。食鴉片煙，則吉蘭丹爲甚。客商鮮不效尤者。其土產唯檳榔，胡椒爲多。亦以三十斤金爲逞羅歲貢。源案吉蘭丹卽大呢之馬頭也。風俗俱同大呢。嘉靖末海寇餘衆，遂歸於此。生聚至二千餘人。行劫海中，商船苦之。或謂吉蘭丹卽小葛蘭國。按小葛蘭與柯枝接壤。而吉蘭丹與大呢相連，去彼遠甚。但大呢吉蘭丹俱鑄金爲錢。而柯枝與小葛蘭亦俱用金錢。以此相同。影響之所自起也。姑載之以破疑。

又曰丁加羅國一作了葛奴疑卽丁機宜也。源遠此語誤甚丁機

宜別自一島在蘇門答刺之東非暹羅相連之地

在吉蘭丹東南由吉蘭丹沿

海約日餘可到疆域風俗與上數國畧同而富疆勝之。

各國王俱喜養象聞山中有野象王家則令人砍大木

於十里外周圍柵環之旬日漸移而前如此者數次柵

益狹象不得食俟其羸弱再放馴象與鬪伏則隨馴象

出自聽象奴驅遣土產胡椒檳榔椰子沙藤冰片燕窩

魚翅海參油魚鮑魚螺頭帶子紫菜孔雀翡翠速香降

香伽楠香帶子角帶也形若江瑞柱胡椒最佳甲子諸

番歲貢暹羅安南及鎮守葛刺巴之荷蘭。陳倫炯海國聞見錄

羅西南斜仔六坤宋脚皆暹羅屬國大呢吉蘭丹丁葛

奴彭亨諸國沿山相續俱由小真嶼向西分往水程均

一百五六十更不等土產鉛錫翠毛佳文蓆燕窩海參

料藤冰片等類相同惟丁葛奴胡椒甲於諸番皆無

來由族類不識義理裸體挾刀下圍幅幔

檳榔夾烟嚼生米和水吞貿易難容多艘

又曰彭亨在丁加羅南音近邦項本無正字也此由丁

加羅陸路約三日可到疆域風俗民情均與上數國同

亦產金而麻姑所產爲最土產胡椒冰片沙穀米

胡椒藤木

初種時長尺餘年餘長至數尺則卷成圈復取土掩之俟再生然後開花結子十餘年藤漸弱則取其旁舊土或有雜木葉霉敗其中者糞之復茂不可以他物糞至三十餘年則不復結子須擇地另種舊地非百年後不

能復種，自安南至麻倫呢諸國皆有，唯丁加羅所產爲最。冰片木液也，周流木內，夜則上于樹杪，明則下于樹根土番夜聽其樹而知其上下老嫩，俟其老時，四鼓潛往，以刀削其根數處，如中國之取松脂然，天明其液流從砍處落地，滴滴成片，若未老則出水而已，沙穀米亦以木液爲之，其木大者合抱，砍伐破碎，春之成屑，則以水洗之去其滓，俟其水澄，取其下凝者，暴乾成粉，以上復以水洒之，則累累如顆珠，煮食之可以療饑。

以上數國，閩粵人多來往貿易者，內港船往各國，俱經外羅山南行，順風約一日過烟筒大佛山，又日餘經龍奈口，過崑崙海，日餘見崑崙山，至此然後分途而行，往宋卡暹羅太呢吉蘭丹各國，則用庚申針轉而西行矣，由彭亨東南行，約日餘復轉西，入白石口，順東南風，約日餘

則到舊柔佛

明史彭亨在暹羅之西洪武十一年其王表貢永樂十年遣中官鄭和使焉其國土

出沃氣候常溫米粟饒足煮海爲鹽釀榔漿爲酒上下親狎無寇賊然惑於鬼神刻香木爲像殺人祭賽以禳災祈福所貢有象牙片腦乳香速香檀香胡椒蘇木之屬

又日舊柔佛在彭亨之後，陸路約四五日可到，疆域亦數百里，民情風俗略與上同，土番爲無來由種類，本柔佛舊都，後徙去，故名舊柔佛，嘉慶間英吉利以此爲海道四達之區，墾闢土地，招集商民貿易耕種而薄其賦稅，數年來舟船輻輳，樓閣連亘，遂爲勝地，番人稱其地爲息辣，閩粵人謂之新州府，亦或作新嘉坡，土產胡椒

檳榔膏沙藤紫菜檳榔膏卽甘瀨可入藥

明史柔佛近彭亨一名烏

丁礁林永樂中鄭和遍歷西洋無柔佛名或言和會經東西竺山今此山正在其地疑即東西竺萬曆間其酋好擣兵鄰國丁機宜彭亨屢被其患華人販他國者其人多就之貿易時或邀至其國國中覆茅爲屋列木爲城環以池無事通商于外有警則召募爲兵稱強國焉地不產穀常易米于鄰壤字用茭葦葉以刀刺之見星死者皆火葬所產有犀象玳瑁片腦沒藥血竭錫蠟嘉文簾木棉花檳榔海菜燕窩西國米冰片吉柿之屬

皇清通考四裔門柔佛在西南海中背山而國前臨大海歷海洋九千里達廣東界經七洲大洋到魯萬山由虎門入口國中無城郭宮室王府卽建於海濱支以竹木蓋以茅葉民皆環山而居崇山峻嶺樹木叢雜野獸縱橫天時雖秋冬亦暖王以柳葉爲衣左衽下裳密綵小花爲之佩刀首蓄髮長二三寸蒙以金花帕跣足民人冠用銅線爲胎幔以白布衣短衫或裸而以裳圍其

下體婦女織席挽椎髻肩披錦父母喪則  
爲喪服夫皆賚於婦相見以合掌拱上爲禮俗輕生好殺尙佛教喜鬥雞伐烏木拾海菜時出海刦掠飲食用手忌猪肉嗜煙歲齋一月舉國絕食見星乃食歷三十日始止土產降香烏木西國米冰片海島胡椒燕窩之屬亦產沙金鑄花小金錢爲幣康熙初啟南洋諸國商販之禁故閩粵無柔佛之船而內地商船亦無往其國者迨雍正七年弛禁後其國通市不絕距廈門水程一百八十更七洲洋中有神鳥狀如海雁而小長喙色紅腳短而祿尾羽如箭長二尺許能導人水程呼是則飛去曰否則仍飛而來獻紙謝神翱翔不知所之矣柔佛屬國有丁葛奴單咀彭亨皆雍正七年後通市丁葛奴亦瀕南海四時皆暖無霜雪崇山峻嶺蜿蜒相望風俗略同柔佛土產胡椒之美甲於他番餘則沙金冰片沙藤速香等物其國人終身不出境無航海而來中國者每歲冬春間粵東本港商人以茶葉資器色紙諸物往其國互市乾隆二十九年以兩廣總督蘇昌奏准帶土絲及二疋湖絲浙閩人亦間有往者及夏秋乃歸必經

七經大洋至魯萬山由虎門入口達廣東界計程九千里單咀距廈門水程一百三十更風俗衣服飲食土產與柔佛同彭亨國與柔佛連山相枕內地商民往柔佛國有轉附番舶至其地貿易者陳倫炯海國聞見錄柔佛國山雖聯於彭亨其勢在下水路應到崑崙用未針取茶盤轉西至柔佛計廈門水程一百七十三更番情與上諸國相似所產亦相同惟較之略美而倍多每年經商可容三四舶就舟交易產沙金國以鑄花小金錢爲幣重四五分銀幣不行

又曰麻六甲一作滿刺加在舊柔佛西少北東北與彭亨後山毗連陸路通行由舊柔佛水路順東南風半日過琴山徑口又曰餘到此土番亦無來由種類疆域數百里崇山峻嶺樹木叢雜民情兇惡風俗詭異屬荷蘭

管轄初小西洋各國番舶往來中國經此必停泊採買貨物本爲繁庶之區自英吉利開新嘉坡而此處浸衰息矣土產錫金冰片沙藤胡椒沙穀米檳榔燕窩犀角水鹿玳瑁翡翠降速伽楠各香閩粵人至此採錫及貿易者甚衆陳倫炯海國聞見錄由柔佛而西麻六甲亦無來由族類官屬名曰惡耶國王彷徨羅用漢人理國事掌財賦產金銀西洋布犀角象牙鉛錫胡椒降香蘇木燕窩翠毛佳文蓆等類金錢銀幣皆互用中國洋艘到此而止距廈門水程二百六十更海錫風浪東北岸疆域數百里民頗稠密性情兇獷後山與丁羅吉蘭丹相連山中土番名膠蠻切子裸體跣足鳩形鵠面自爲一類亦服國王管轄但與無來由不相爲

婚嘗取密蠟沙藤沉香速香降香犀角山馬鹿脯虎皮等物出與國人交易閩粵人亦有到此者其產錫冰片柳子沙藤又曰吉德國在新埠西北又名計達由新埠順東南風日餘可到後山與宋卡相連疆域風俗亦與宋卡略同土曠民稀米價平減土產錫胡椒椰子閩粵人亦有至此貿易者由此陸路西北行二三日海道日餘到養西嶺陸路又行三四日水路約一日到蓬呀俱暹羅所轄地自宋卡至此皆無來由種類性多兇暴出入必懷短刀以花鐵爲之長六寸有奇鑲以金海馬牙爲柄其刀末有花紋者持以相鬪刀頭有紋者則佩之以爲吉慶王及酋長皆然

每月統紀傳曰麻刺甲地方毘連于柔佛丁葛奴大年吉連丹宋腳諸國沿大山相續土番爲馬萊由族類不識義理裸體挾刀下圍幅幔檳榔夾烟嚼貿易難容多

艘土產鉛錫翠毛佳絞蓆燕窩海參藤胡椒等貨諸國相似所產相同馬萊由一作無來由麻刺甲在明朝時有馬萊西之王因暹羅侵地麻刺甲遣貢使至北京控訴永樂三年詔暹羅國王勿開兵隙暹羅王遣使謝罪然陽遵陰違竟侵服之嘉靖年間葡萄牙兵船往麻刺甲盡力征服設官治之天啟崇禎年間荷蘭又戰勝葡萄牙而有其地至嘉慶年間英吉利以萬古累易之于是麻刺甲爲英吉利新藩開英華院以教唐人與土人且義學甚多男女不論土番漢人皆知讀書故廣東與福建人居

此種園耕田與實力嶼檳榔嶼貿易柔佛爲阿細亞大山諸國極南入海之山副馬葉西王管之彭亨有金沙錫甚盛福建船希往彼以柔佛彭亨性悍好鬪正是馬來酉族類之習此外海濱國屬于暹羅者皆地小不足比數

顏斯綜南洋蓋測曰南洋之間有萬里石塘俗名萬里長沙向無人居塘之南爲外大洋塘之東爲閩洋夷船由外大洋向東望見臺灣山轉而北入粵洋歷老萬山由澳門入虎門皆以此塘分華夷中外之界唐船單薄

舵工不諳天文惟憑弔鈸驗海底泥色定爲何地故不能走外大洋塘之北爲七洲洋夷人知七洲多暗石雖小船亦不樂走塘之西爲白石口附近有一埠四面皆山一峽通進平原曠野頗有土人並無酋長產胡椒沙藤有唐人墳墓碑記梁朝年號及宋代咸淳或云此暹羅極東邊境十餘年前英吉利據此島名之曰星忌利坡召募開墾近間已聚唐人雜番數萬閩粵之輕生往海外者冒風濤蹈覆溺而不顧良由生齒日衆地狹民稠故無室無家之人一往海外鮮回鄉者此島由外洋

至粵十餘日由七洲洋至粵僅七八日近來英吉利甘  
心留粵一則恃南洋港腳諸番沿途俱有停泊二則恃  
星忌利坡離粵不遠彼國雖隔數萬里之遙今則無異  
鄰境此外海岸土瘠產稀如飛頭鑾等處雖常到不屑  
顧其志蓋欲扼此東西要津獨擅中華之利而制諸國  
之咽喉古今以兵力行商賈以割據爲壟斷未有如英  
夷之甚者

貿易通志東南洋貿易之盛者莫如暹羅及新嘉坡暹

羅與安南緬甸相接而通商最廣中國買米買貨之船  
赴其國者歲百餘號所駐中國人五萬有餘英吉利亞  
默利加等國互市每年貨價約銀五百萬餘員新嘉坡  
本非國乃斗八南海中一大峽地方二千里距澳門水  
程十更向爲閩廣客民流寓約二萬餘人英吉利屢以  
兵船爭奪嘉慶二十三年襲而據之置城戍兵營肆貨  
招商估設英華書院凡國中書籍皆鏤板翻譯延華人  
教其子弟屹然爲巨鎮計閩廣船歲往者八九十艘安  
南三十六艘暹羅四十艘各南洋小船千三百餘艘夾  
板船四百七十四艘貨物出入約計銀各八百餘萬圓

其地近中國故凡紅毛船之自澳門歸與自西洋至者均以此爲總匯此外麻刺甲檳榔嶼等處亦英吉利公司所據而貿易有限不及新嘉坡三分之一

魏源曰英夷開闢新嘉坡富庶聞於中國已數十年皆不知爲古時何國閔海錄及英夷海圖始知卽柔佛滿刺加故墟蓋明以前滿刺加爲南洋之都會英夷始移其貿易于柔佛新嘉坡有聖夏書院  
麻六甲有英華書院  
英吉利所建皆外夷習學漢文及翻刻漢字書籍之所故所刻書皆署此兩書院藏板暹羅之東南境海岸相連並非島嶼距大嶼山僅五六日程平行數百里

斗出海中形如箕舌扼南洋之要衝乾隆以前多爲閩粵人流寓自英夷以兵奪據建洋樓廣衢市又多遷國中良工技藝徙實其中有鑄礮之局有造船之廠並建英華書院延華人爲師教漢文漢語刊中國經史子集圖經地志更無語言文字之隔故洞悉中國情形虛實而中國反無一人瞭彼情僞無一事師彼長技喟矣哉方康熙初定臺灣時廷議欲遷其人棄其地專守澎湖獨施琅力爭之謂不歸中國必歸于荷蘭聖祖從之設官置戍海外有載使當日執指珠厓之議臺灣今

日不爲新嘉坡者幾希使後世有人焉日翻夷書刺夷事籌夷情如外夷之偵我虛實其不轉罪以多事甚坐以通番者幾希彭亨柔佛等國明以前不見于史蓋卽

梁書之丹丹

廣書作單單在振州東南

而隋唐書並言往婆利州者

先由赤土丹丹而至其國赤土爲扶南則丹丹必其相

連之東南境故有唐人墓及梁宋碑記云

## 海國圖志卷七

歐羅巴人原譏

東南洋五

海岸之國

侯官林則徐譯

緬甸

邵陽魏源重輯

緬甸與暹羅安南三國在阿細亞洲南洋歐羅巴人以其與印度交界統謂之爲印度外前代歐羅巴人罕至其地所知者不過孟阿臘安治市河之東岸而已伊指畫師比多里彌所繪地理圖其圖內大海灣之西岸有

梯泥城卽緬甸之底泥色領城也。意大里亞人曾至中國海岸而所繪之國亦未詳確。佛蘭西國當日攻取麻六甲地所考察者僅附近一隅。佛蘭西又曾遣羅比里至暹羅國欲行教化始略知暹羅國大概。近日英吉利已得印度之地多與三國交界故所說此方之事雖不詳備較前代歐羅巴人則所得爲多。緬甸國建都阿瓦又謂之馬臘麻原是三國。一曰阿瓦。一曰阿臘干。一曰秘古。各不相統恒相爭奪。惟緬甸當衝受害尤重。千有六百年明萬曆二緬甸興兵攻服秘古迨千有七百年

康熙三十九年秘古復約荷蘭西洋兩國之兵同攻緬甸屢戰屢勝直抵阿瓦。僉獲緬甸之底布里王。維時緬甸反屬於秘古。然緬人强悍罕有阿羅般部落招集士兵恢復阿瓦國都自立爲王盡收緬甸舊地遂出師攻滅秘古國。其子山巴領嗣位後秘古復叛。山巴領又攻勝之。遂乘勝並取暹羅久仍爲暹羅所敗僅存麻六甲以西沿海之麻爾古底呢色領等城耳。山巴領歿其弟皿底臘疑勃老嗣位。又並合阿臘干爲一國。此外尚有攻取加渣爾加色等處軍威可謂勃矣。然以麻爾古之地皆與

孟阿臘接壤孟阿臘屬于英吉利兩國接壤日久復起兵爭千有八百二十六年道光六年英吉利遂起印度之兵攻緬甸特其習戰視英寇蔑如也然緬軍紀律不嚴進銳退遠以此爲英軍所挫英軍亦不習其水土地險餉艱瘴惡多疾難以深入本欲退師反聲言直取阿瓦長驅而進緬軍屢衄氣阻遂卑辭求和乃割阿臘于麻爾古達阿依底尼色領沿海之地復償英吉利兵餉始罷兵然緬甸陸戰全恃堅銳木柵環遶重濠有時英吉利兵馬亦爲其所拒其國賦稅如東方中國之法以田地

錢糧爲正供此外征收外國貿易稅餉不作正項別貯內庫緬甸暹羅安南皆然傳聞緬甸國王與西洋構衅講和津貼英軍兵餉咄嗟立辦可見其國之富緬甸暹羅安南政事大略與東方各國相同權柄專制于王百官不得專擅所用律例皆合中華印度兩國之律參酌損益而行如緬甸之職官若翁疑士若旅翁多士若阿達翁士皆在國都助王理政並有律官出外分轄各部征收賦稅解都供餉部民有事先赴訴麥翁衙門次始上控于羅都衙門由羅都而達于王以判斷之有烙鐵

之刑有咒詛之法斟酌施用與印度略同印度外咸知文字惟緬甸語音龐雜有用佛語有用韃韃里音語有中國音語參雜而成歐羅巴人不能分其句讀至之如一長句說寫俱難書籍皆編貝葉國王則以象牙爲篇頁以金飾邊貯以描金盒並有雕刻成字而金飾之者藏書雖富專以講論神明爲主而史記音樂醫學畫譜謂之雜說小書惟安南文學獨遵中國較緬甸暹羅爲深奧緬甸屋舍最陋以竹插地用簾繫架用席作牆而苫覆之卽謂落成大者不日可完小者頃刻立就雖

潦草而便易風雨坍塌旣無推壓之虞回祿偶遭亦無蕩蕩之戚伊底河發源西藏南流經緬甸之麻羅城而入海案伊底河謂雅魯藏布江卽大金河江也

緬甸國東界南掌暹羅西界孟阿臘南界海北界西藏雲南以阿瓦爲國都領部落四十有八戶口約四百萬

名本

阿瓦

國都

明頌爾

西糜

哥里布

江墩

凍米數

海國圖志

卷之七 西南洋

海岸國五

四

拉比那古

巴爾麻

芝補

窮皿

打梗

翁蔑拉布拉

光墩

邦布

磨觀

邊定

拉公厘

高梗

蒙厘布

郎欲河

班沙

巴岩謬

麻拉

西格牙都

麻渣布

阿比干

渣岩

特戛休

蔑都

彌特

新達

比衣謬

呢特

濟騷

麻欲疎

蘭模

皿巴

麻爾打曼

波丹謬

哥士皿

衣若

知那麻幾爾

巴三

西利喚

麻羅

大金沙江由此  
城西入東印度

母哇

原本  
止此

沿革

原無今補。止  
取其涉海國者

新唐書驃古朱波也自號笑羅朱闍婆國人曰徒里拂在永昌南二千里去京師萬口是東陸真臘西接東天竺西南接羅南屬淳北南詔地長二千里廣五千裏東北袤長屬羊苴咩城凡后曰人曰迦羅婆提曰摩禮烏特曰迦黎迦曰辛地曰可王曰坤朗曰偈奴曰

羅聿曰佛代曰渠諭曰婆梨曰偈陀曰多歸曰摩曳餘卽舍衛瞻婆闍婆也彌臣至坤朗又有小崑崙部王名茫悉越俗與彌臣同由坤朗至祿羽有大崑崙王大於彌臣由崑崙小王所居半日行至磨地勒柵海行五月至佛代國有江支流三百六十案此當卽大金沙江有川名思毗離芮土多異香北有市諸國估舶所湊越海卽闍婆也十五日行踰二大山一曰正迷一曰射鞬有國俗與佛代同經多貳補邏川至闍婆八日行至婆賄仰盧國土熟衢路植椰子檳榔仰不見日王居以金爲甓廈覆銀

瓦。覆香木堂飾明珠。有二池。以金爲隄。舟楫皆飾金寶。驃王出。輿以金繩床。遠則乘象。嬪史數百人。青甓爲圍。城周百六十里。有十二門。四隅作浮圖。民居皆鈔錫爲瓦。荔支爲材。俗惡殺。拜以手抱臂。稽額爲恭。明天文。喜佛法。有百寺。琉璃爲甓。錯以金銀丹彩。紫礮塗地。覆以錦罽。王居亦如之。民七歲祝髮至寺。至二十有不達其法。復爲民衣用白氈朝霞。以蠶帛傷生。不敢衣戴金花冠翠。骨絡以雜珠。王宮設金銀二鍾。寇至焚香擊之。以占吉凶。有巨白象。高百尺。訟者焚香跪象前。自思是非。

而退。有災疫。王亦焚香對象聽。自咎無桎梏。有罪者策五竹捶背。重者五。輕者三。殺人則死。土宜菽粟稻粱。蔗大若胫。無麻麥。以金銀爲錢。形如半月。號登伽佗。亦曰足彈佗。無油以臘。雜香代炷。與諸蠻市。以江豬白氈琉璃轡缶相易。婦人當項作高髻。飾金珠琲衣。青婆裙。披羅段。行持扇。貴家者傍至五六。近城有沙山。不毛地。亦與波斯羅門接。距西舍利城二十日。行西舍利者中天竺也。南詔以兵強地接。常羈制之。案  
間與東印度接壤。惟唐書畧見端倪。故節錄之。  
元明興中國擣兵。皆于海國印度無涉。故不錄。  
謝清高海錄曰。烏土國在暹羅蓬牙西北疆域較暹羅更大。由蓬牙陸路行四五日。水路順風約一日到佗益。爲烏土屬。

邑廣州人有客于此者又北行百餘里到媚麗居又西北行二百餘里到營工又西行二百餘里到備姑俱烏土屬邑王都在益畫益畫即阿瓦之音轉由備姑入內河水行約四十日方至國都有城郭宮室備姑鄉中有孔明城周圍皆女牆參伍錯綜莫知其數相傳爲武侯南征時所築入者往往迷路不知所出云北境與雲南接壤雲南人多在此貿易衣服飲食大畧與暹羅同而樸實仁厚獨有大古風民居多板屋夜不閉戶無盜賊爭鬪田備姑西北行沿海數千里重山複嶺并無居人奇禽怪獸出沒號叫崇巖峭壁間多古木奇花所未經都舟行約半月方盡亦海外奇觀也微第在烏土國大山之

北數十年來嘆哈利新闢土地未有商賈其風俗土產未詳國史館郭世勳傳乾隆五十五年暹羅國王鄭昭克復舊三十六年被烏土國擣兵圍城國君被陷其父鄭昭克復舊基僅十分之六其舊地丹著氏麻叨塗懷三城尙被占踞請勅令烏土國割回三城詔以烏土國卽緬甸別名前此緬酋孟駁與暹羅紹氏擣兵非新首孟隕之事今緬國已易姓何得上煩中朝追索侵地命兩廣總督郭世勳檄諭止

安暹羅國別號赤土國則緬之號烏土均以墳壞異色得名

附入緬路程

見師範演繫

由騰越州城南六十里爲曩宋爲南甸土司故爲府由南甸左行六十里爲龍抱樹又五十里爲杉木籠山山之險者也又三十里爲蟹隴又六十里爲隴川土司又四十里爲邦中山又一百里爲猛卯土司凡四百五十里自南甸右行二十里至沙沖二十里至猛宋五十里至黃陵崗五十里至千崖土司八十里至蓋達土司三十里至太平街又自翁輸三十里至銅壁關凡三百五十里此自騰越州南分左右之里數也自隴川八十里至腊撒土司戶撒在其北三十里自腊撒至鐵壁關八十里由鐵壁而左三十里至蟹等七十里至虎踞關又

五十里至南喜三十里至等拐又十里至天馬關此境內南行之里數也至於臨夷之路則有五一自騰北道四程至茶山界自騰西道八程至里麻界十程抵孟養境一自州南一程至南甸二程至千崖四程蓋達蠻哈山十程由蠻暮至猛密二十七程至緬甸三千里有奇程至猛密轉達緬自隴川東道又十程至木邦轉達景線國一自騰東南道二程至蒲窩二程至芒市轉達鎮康舊謂古臨夷之路皆撫剿所必由惟茶山而西號野

人境峭壁不可梯繩弱水難於舟筏而茶山里麻前明設有兩長官司明季時爲野人所驅奔入內地今尚有早土司後裔已爲齊民其地閉塞不通久矣至阿瓦之道出銅壁鐵壁虎踞三關皆可乘船赴緬惟猛卯出天馬關陸路多於水道前用兵時密探其路自天馬關五十里而小澪又五十里而蔓布三十里而猛卡四十里而蠻空四十五里而猛老四十里而猛勒四十五里而蠻黑六十里而猛密土司三十里而布亞七十里而章谷洞三十里而尼孤凡五百九十五里然後下船而日

節抵和瓦歷彥得上漿謬道埂至阿瓦約三百里計天馬關至阿瓦水陸兼行不過九百里耳而明將軍征緬由木邦出天生橋取宋寨其地散漫小徑叢出深入無繼必至潰散傳經略由萬仞關四十里厯猛弄蠻埋止丹來戛南蓋河又三十里出戛鳩渡江十里蠻乃三十里蠻旅又三十里麻里而至猛拱百五十里南烏賴三十五里沙河三十里深溝又六十里而至孟養其地至阿瓦甚遠且路徑不熟炎天瘴盛因回師而駐老官屯其路則出鐵壁關五十里而至猛卡又五十里而至楞

木又十里而至洗帕河歷猛允猛映而至新街趙宏榜所敗績處也南行卽爲老官屯臨大金沙江賊分扼江之東西我軍逼其東寨而駐故造船之議謂元人征緬以此取勝也要在熟悉地勢多集兵力出其不意耳緬人善於操舟舟之頭尾多置西洋大炮施轉如飛趙宏榜新街之敗爲其炮所擊潰又提督常青言二十四年駐兵江岸時月夜見江中出數象象背載十人逆流起伏甚捷水中用象載兵古所未聞并誌之以誌知兵者

附大金沙江考

魏源

緬甸之西與五印度國分壤以大金沙江爲界其源出于西藏卽雅魯藏布江也源出後藏西界之阿里達木楚克喀巴布山會諸水東流二千五百餘里入中藏復會木倫江東南流干二百餘里經中藏之南界過緬甸之阿瓦都城轉西南流至東印度會恒河注南海其源流皆不入雲南境滇人謂之大金沙江對岷江所會之小金沙江而言小金沙江入東海大金沙由緬甸入南海故黃貞元謂此卽禹貢之黑水其說曰大金沙江瀾潞三水雖同出吐番同入南海然大小遠近迥殊瀾潞四

倍于瀾大金沙十倍於潞瀾潞所出源近而狹大金沙江上源相傳近于闐國自里麻茶山至孟養極北號赤髮野人境峭壁不可梯繩弱水不任舟楫土人惟遠見川外隱隱有人馬形皆生番之域也今姑畧其源惟自經流支流入海可見者言之水流至孟養陸阻地合大居江檳榔江二水方名大金沙江蓋以別麗江北勝武定馬湖之小金沙江耳自此南流至猛掌有一江西來入之又南下經蠻莫有大盈江自騰越經鎮夷南甸千崖受展西茶山古湧諸水伏流南牙山麓出蠻莫來入

之又經蠻法魯勒孟拱遮釐管屯大小菖蒲峽至戛撤昔年緬人攻孟養以船運餉到戛撤爲孟養所敗者此江也正統中蔣雄率兵追思機發爲緬人所壓殺於江中亦此江也江自蠻莫以上山聳水陡正統中郭登自貢章順流不十日至緬甸者亦此江也下流經溫板有龍川江自騰越經界尾高黎共山隴川猛乃猛密所部水入之下流又經猛吉準古溫板猛戛馬達刺至江頭江中有大山極秀聳山有大寺又有一江自猛辨洗戛母南來入之又經止卽龍大馬革底馬撒躋馬入南海

其江自蠻莫以下地勢平行闊可十五里有奇益南江益寬流益緩緬人操舟如涉平地至是江海之水滌爲一色矣按此說所指大金沙江其上流卽今雅魯藏布江在西南荒徼外其下游又逕緬甸始終不入雲南去禹貢雍梁二州甚遠因難指爲禹跡所導之黑水然此江中段則爲緬甸與東印度分界下游則金沙江會岡噶江至由東印度入海岡噶江卽佛經之恒河其與金沙江會以後謂之安日得河又曰安治市河  
又作叢治斯河故坤輿全圖無大金沙江蓋統歸于安日得河也英夷所繪大清

國圖有雅魯藏布江會恒河入海所繪印度圖則有蒲蘭浦達江自東而西會叢治斯河入海卽大金沙江西會恒河之異名蓋圖中國則用中國之名圖外國則用外國名也榜葛刺跨恒河之東西兩岸惟以東距大金沙江與緬甸柯枝兩國分界英吉利曾攻印度乘舟溯流直向阿瓦而澳夷新聞錄中又嘗恐中國兵假道緬甸攻東印度皆以此江下游直抵孟加臘之故一統志謂其西南流八厄訥特珂國亦指其下游入東印度之恒河而言第語之不詳故于坤輿圖說之安日得河欲

指爲恒河則無大金沙指爲大金沙則無恒河不知二  
大水下游匯合爲一也大金沙未會安日得河以前其  
東岸爲緬甸西岸爲古里瑣里坎巴諸國及會安日得  
河以後東南岸下游爲柯枝國西南岸爲榜葛刺蓋古  
里地介金沙江及恒河之間而榜葛刺則在恒河入海  
口岸皆東印度境其緬甸雲南間尙有南掌胡盧景線  
景邁等國皆入貢中朝以非濱海不入是志

魏源曰乾隆三十四年緬甸老官屯之役賊樹柵固守

官兵鏖戰彌月堅不可拔卽四洲志所謂緬甸兵法專

以大木立柵自環爲不可敗有時英吉利兵亦爲所遏  
蓋緬甸南瀕海嘗與英夷之印度交兵故英夷知其長  
我也又考剽健庭聞錄順治十八年二月李定國白文  
選攻緬於阿瓦阿瓦城甚高大城外二江大曰蘭鳩小  
曰南噶臘環城三面皆水惟一面通陸自白文選師旋  
後並鑿之引水爲湖畱堤三道置木城其上距城四里  
定國遣人索永麻不應而于木城之外更立木城出兵  
守之有間木城前復立一城步卒前進旣逼定國營始  
出兵大戰前隊皆象中有花象善突陣爲羣象先定國

視戰地當象來處有石橋自持長刃迎待象至卷刃立斷負痛反奔羣象皆奔文選定國鼓噪乘之斬其大將邊牙裸殺其兵萬緬收餘兵保柵固守此卽樹柵自固步步爲營之證其失在於出柵野戰反以象陣自挫前鋒故爲白李所敗惟敗後而木柵尙存退可以守故阿瓦終不得破所謂善戰者不敗善敗者不亡也明瑞哈國興皆嘗登山俯瞰破其一二柵而十餘柵皆潰及老官屯之役賊懲前失先據高立柵又固守不出戰我兵百計攻之終不能拔是緬兵短於野戰長於柵具微

四洲志所言之不妄故上兵之紀律敵莫能禦中兵之紀律敵莫能侮觀於緬柵之足拒夷兵而知我之所以守觀於安南札船之足惄夷艇則知我之所以攻

海國圖志目錄

東南洋海島各國

卷八

呂宋夷所屬島

卷九

荷蘭夷所屬

婆羅  
哇

瓜  
浮泥

大島

英荷布路三夷分屬地間等島

卷十

英荷二夷所屬葛留巴島

卷十一

英荷二夷所屬亞齊及三佛齊島

荷佛二夷所屬美洛居島

英夷所屬新埠島

卷十二

日本島附錄

附東南洋形勢

附東南洋鐵路

海國圖志卷八

東南洋

海島之國○原本無皆今補

邵陽魏源輯

呂宋夷所屬島一

原名蠻里刺島明季改名小呂宋

明史呂宋島居南海中去漳州甚近洪武五年正月使使偕瑣里諸國來貢永樂三年十月遣官齋詔撫諭其國八年與馮嘉施蘭入貢自後久不至萬曆四年官軍追海寇林道乾至其國國人助討有功復朝貢時佛郎機強與呂宋互市

源案呂宋島本名蠻里喇明季爲西洋呂宋夷船所據中國人因呼曰小呂宋蓋對其本國而稱之猶瓜哇島之稱改新荷蘭也明史誤以呂宋爲此島本名因妄謂呂宋島滅於佛郎機

機誤甚。至今此島尙有呂宋鎮守之兵，無佛郎機之兵。久之見其國弱可取，乃奉厚賄遺王乞地，如牛皮大建屋以居。王不虞其詐而許之。其人乃裂牛皮聯屬至數百丈，圍呂宋地乞如約。案當云圍蠻里喇地乞如約

王大駭然，業已許諾，無可奈何，遂聽之。而稍徵其稅如國法。其人既得地，即營室築城，列火器設守禦具，爲窺伺計。已竟乘其無備，襲殺其王，逐其人民而據其國，名仍呂宋實佛郎機也。案當云改名呂宋，其實呂宋國自在西洋也。

先是閩人以其地近且饒富，商販者至數萬人，往往久居不返。至長子孫佛郎機既奪其國，案以後佛郎機字均當作呂宋

其王遣一酋來鎮慮，華人爲變，多逐之歸。留者悉被其侵奪。萬曆二十一年八月，酋郎雷敝裏係勝侵美洛居役華人二百五十助戰，有潘和五者爲其哨官。蠻人目酣臥而令華人操舟，稍怠輒鞭打，有至死者，和五曰：「死筆死，等死耳。」否亦且戰死。曷若刺殺此酋以救死。勝則揚帆歸，不勝而見縛死，未晚也。衆然之。乃夜刺殺其酋，持酋首大呼，諸蠻驚起，不知所爲，悉被刃，或落水死，和五等盡取其金寶甲仗，駕舟以歸。失路之安南，爲其國人所掠，惟郭惟太等三十二人附他舟獲返。時酋子

郎雷貓客駐朔霧聞之率衆馳至遣僧陳父寃乞還其戰艦金寶戮仇人以償父命巡撫許孚遠聞於朝檄雨廣督撫以禮遣僧置惟太於理和五竟留安南不敢返初會之被戮也其部下居呂宋者盡逐華人於城外殿其廬及貓客歸卽令城外築室以居會有傳日本來寇者貓令懼交通爲患復議驅逐而爭違適遣人招還蠻乃給行糧遣之然華商嗜利趨死不顧久之復成聚其時礦稅使者四出奸宄蠭起言利有閻應龍張嶷者言呂宋機易山素產金銀採之歲可得金十萬兩銀三十

萬兩萬歷三十年七月詣闕奏聞帝卽納之命下舉朝駁異言官金忠士曹於汴朱吾弼等連章力爭皆不聽事下福建守臣迫於朝命乃遣海澄王時和百戶于一成偕疑往勘呂宋人聞之大駭華人流寓者謂之曰天朝無他意特奸徒橫生事端今遣使者按驗俾奸徒自窮便於還報耳其曾意稍解命諸僧散花道旁若敬朝使而盛陳兵衛迓之時和等入曾爲置宴問曰天朝欲遣人開山山各有主安得開譬中華有山可容我國開耶且言樹生金豆是何樹所生時和不能對數視嶷嶷

曰此地皆金何必問豆所自其土下皆大笑留疑欲殺之諸華人共解乃獲釋歸時和還任卽病悸死守臣以聞請治疑妄言罪事已止矣而呂宋人終自疑謂天朝將襲取其國諸流寓者爲內應潛謀殺之明年聲言發兵侵旁國厚價市鐵器華人貪利盡出而鬻之於是家無寸鐵曾乃下令錄華人姓名分三百人爲一院入卽殲之事稍露華人乃羣走菜園曾發兵攻衆無兵仗死無筈奔大嵒山蠻人復來攻衆殊死鬪蠻兵少挫曾旋悔遣使議和衆疑其僞撲殺之曾大怒歛衆入城設伏

城旁衆饑甚悉下山攻城伏發衆大敗先後死者二萬五千人曾尋出令諸所掠華人貲悉封識貯庫移書閩中守臣言華人將謀亂不得已先之請令死者家屬往取其孥與貯巡撫徐學聚等亟告變於朝京師驚悼下法司議奸徒罪萬歷三十二年十二月議上帝曰疑等欺詐朝廷生釁海外致二萬商民盡膏鋒刃損威辱國死有餘辜卽梟首傳示海上并移檄呂宋數以擅殺罪令送死者妻子歸竟不能也其後華人復稍稍往而蠻人利中國互易亦不拒久之復成聚時佛郎機已併滿

刺加益以呂宋勢愈強橫行海外遂聚廣東香山澳築城以居與民互市而患復中於粵矣

明史沙瑤與內嗁嗁連壤皆與呂宋近男女蓄髮椎結男子用履女子跣足以板爲城豎木覆茅爲室崇釋教多建禮拜寺男女之禁甚嚴盜不問大小輒論死孕婦將產以水灌之且以水滌其子置水中生而與水習矣物產甚薄華人商其地所携僅磁器銅盞之類重者至布而已後佛郎機據呂宋多侵奪鄰境惟二國號令不能及

皇朝通考四裔門呂宋居南海中在臺灣鳳山沙馬崎東南人本朝崇德中呂宋遣使進貢於明使臣留閩未還順治三年福建平守臣送其使入都四年六月遣

歸本國康熙五十六年以呂宋等國口岸多聚漢人禁止商船往南洋貿易雍正五年後通市如故十三年正月呂宋以麥收歉薄附洋船載穀二千石銀二千兩海參七百筋來廈門欲易麥二三千石時提臣王羣以例禁五穀出洋奏請詔曰國家嚴禁五穀出洋者乃杜奸商匪類暗生事端若各國米糧缺少隨時奏聞朕尙酌量豐餘以濟之今載穀易麥更近情理著均平糶糴以濟其用

又曰千絲腸在西北海中與英吉利相近風俗與英吉

利同其國王姓名傳國世次無考每歲駕夾板船來廣東互市據呂宋速巫等處爲貿易之處千絲臘國常分遣小王鎮守呂宋云考佛郎機在明時既襲據呂宋今

千絲臘亦分守呂宋蓋舊國已空島夷互踞難以實稽

也源案千絲臘卽大呂宋之屬國明時佛郎

機亦無襲取呂宋島之事此沿明史之誤

漳州黃可垂呂宋紀畧曰呂宋島爲千絲臘屬國千絲臘者西洋番國名也與和蘭勃蘭西紅毛相鼎峙俗呼爲宋仔又曰實班牙一作是班牙閩廣中所用銀餅肖其國主之貌而鑄者也海之東南數千里外卽呂宋島

焉東界萬蘭澗仔低大海西界閩廣大海南界蘇祿大海北界萬水朝東大海計其地三千里有奇南北東西相去各千餘里與海相距亦數千里形勢負東向西內外中三湖各廣三百餘里土番戶口不下數萬餘金珠玳瑁冰片燕窩海參烏紅木魚鹽之利用於海外前明時千絲臘據其國建龜豆城於外湖西海之濱鎮庚逸嶼於城之西左角以控制遐邇土風最重番僧設巴禮院行禮拜之教巴禮者番僧也以濂水爲令將晝作夜院各擊鐘以定時子午爲中天初點未亥各十二點重

高辛不祀先祖所奉之神惟咷氏而已尤可怪者巴禮爲人改罪人俱以爲榮濂水者以巴禮王之戶煎爲膏脂有教父掌之將奉教之時令人自誓其身爲咷氏所出誓畢巴禮將戶水滴其頭故曰濂水有女尼院專司財賄以供國用其院封鎖極嚴男子絕跡威望甚尊千絲鵬所造甲板船極大帆檣甚固鎗炮畢備洋寇不得近往來呂宋間皆用量天尺照水鏡淺石沉礁無不洞悉其法更妙于指南車華人之客呂宋者恆樂其舟楫之利而喜其制度之巧焉其甲板船來呂宋計程行三

月迨其船回本國水性不同行須五月華人貿易往來相安數百年矣國朝乾隆年間西北海之紅毛英圭黎番猝造甲板船十餘直逼呂宋欲踞其地化人巴禮願納幣請解英圭黎遂返余因經商呂宋爰紀其畧陳倫烟海國聞見錄曰東南諸洋自臺灣而南臺灣居辰巽方北自雞籠山至南沙馬崎延袤二千八百里與福興泉漳對峙隔澎湖水程四更隔廈門水程十有一更西面一帶沃野東面俯臨大海崇禎間爲紅毛荷蘭人所據鄭成功奪之康熙二十二年鄭克塽歸順方入

版圖惟呂宋島至今爲西洋人所據其島在鳳山沙馬崎之東南居巽方距廈門水程七十二更北面高山一帶遠視若踞齒俗名宰牛坑山有土番屬於呂宋與沙馬崎西北東南遠拱中有數島惟一島與臺灣稍近者名曰紅頭嶼有土番居住無舟楫往來語言不通食薯芋海族之類產沙金臺灣曾有舟到其處呂宋大山北從宰牛坑延繞東南昔爲大西洋千絲臘是班亞所據是班亞國亦名呂宋國故以名此島地宜粟米長者五六分漳泉人耕種營運者甚盛年輸丁票銀五六金方

許居住經商惟守一隅四方分定不許越界地原係土番今爲呂宋據轄爲東南洋貿易最盛之地因大西洋千絲臘是班亞番舶所聚立教寺建城池聚夷族漢人娶番婦者必入其教禮天主堂晨鳴鐘爲旦方許開市午鳴鐘爲夜闔市不敢往來昏鳴鐘爲日燈燭輝煌如晝營生夜半鳴鐘爲夜以閉市肆晝夜各以三時辰爲日爲夜傍午捉夜禁闔地皆鬼市

謝清高海錄小呂宋島本名蠻里喇在蘇祿尖筆闔之北亦海中大島也周圍數千里今爲西洋呂宋國所轄

故改名小呂宋地宜五穀土番爲英酉鬼與西洋同俗性情强悍樂於戰鬪呂宋在此鎮守者有萬餘人中華亦多貿易於此者但各寓一方不能逾境欲通往來必請路票歲輸丁口銀甚重土產金及烏木蘇木海參所屬地有名伊祿古者小呂宋一大市鎮也米穀尤富其東北海中別峙一山名耶黎亦屬呂宋其人形似中國其地產海參千里石塘在是島西船由呂宋北行四五日可至臺灣若西北行五六日經東沙又日餘見擔干山又數十里卽入萬山到廣州矣東沙者海中浮沙也

在萬山東故呼爲東沙往呂宋蘇祿者所必經其沙有二一東一西中有小港可以通行西沙稍高然浮於水面者亦僅有丈許故海船至此遇風雨往往迷離至於破壞凡往潮閩江浙天津各船亦往往被風至此泊入港內可以避風掘井西沙亦可得水沙之正南是爲石塘

萬國地理全圖集曰小呂宋島在中國東南北極出地自十二度至十九度偏東自一百二十四度至一百二十八度長一千二百里濶三百四十五里居民六十萬

丁其內地甚高樹林稠叢有火山往往地震出自白糖棉花麻加非煙柯柯子卽外國人等所用烹爲飲也泉州人年年駕船至呂宋港稱爲馬尼刺古時未屬是班牙國土蠻居之山內黑面之族髡髮服樹皮棲茅屋土雖膏腴却憚勞寧餓死不工作明永樂間國王遣臣進貢往往招漢人來居其國隆慶四年是西班牙兵船取其地爲本國之藩屬開墾勤勞與澳門英吉利亞默利加各國通商馬尼刺城晨時鳴鐘爲日方許開市肆經營午亦鳴鐘夜時閼市其風俗與澳門西洋差不多父母已

聘僧央婚姻世務亦是僧所料理人死貯以布囊富者納貲較多寡埋堂上墓內貧者埋牆外三年一清棄骸骨於深澗其民大半奉天主教餘尙固執已見不肅向化其僧理其內地如官憲且百姓拜之如菩薩然

謝占壬曰宁波海商道光六年江蘇海運出力保奏巡檢呂宋距關最近其疏濬海口之法中國似可彷行蓋二十年前呂宋內河入

海之雞峙口洋面計長三百六十里闊二百餘里因內河流沙入海口門淤淺舟行阻滯而汪洋一望難從水底施工會英吉利番船至彼不能進口英吉利人固多

巧技精於樞紐轉旋之法。遂置轉盤器具設法疏濬。縱橫數百里。淺沙不半年。悉皆通暢。從此大船揚帆直入。均無阻礙。其法皆借轉輪之力。以代人工。所用器具。以長方式。船若干隻。自船腰以至船頭。分開兩旁。如凹。文中橫插車盤。一如水車式。車邊離水底數寸。深淺仍可伸縮。船面橫眠轉輪一道。若干人踏之。使車盤轉動。再用大播箕一。可裝土數千觔。箕底設車輪兩道。箕口鑲鐵。如耕田之犁。再用兩鐵索長數丈。一頭繫於車盤。一頭縛於箕口。車輪轉動。則播箕拉近船邊。鐵犁耕過。則

沙土捲入箕內。面上別設鶯架車。起播箕。將沙傾入小船。剝往他處。其船四面拋定錨纜。不令移動。專在中洪逐節挑深。使河溜奔激。中洪自能逐漸深闊。既省人力。又易成功。此某昔游閩中。與呂宋舵工交好。覽其所記海道鍼譜內。附此法。惜未目覩一切器具。爲恨。近在天津。偶與海船舵工談及。方知有鎮海王思高者。昔爲呂宋舵工。今因年老退歸。曾親見此項工程。言之尤備。近聞南河舊有混江龍鐵簸箕。用以疏刷河底。近今用之不效。其故由於黃河屢次決口。分洩河流。澑緩沙停。以

致海口河身一例平坦，河面尙有溜勢。河底郤同平水，雖用鐵篦箕挑刷，無奈隨刷隨停，非如昔年河身高下懸殊，溜勢徹底奔騰。河底積沙稍爲挑動，即能挾溜遠行也。因憶昔年航海，常遇泊船，锚纜並無風浪，忽然移動，舟人亦不解其故。今始悟及海口潮溜小，則百溜底平，大潮則徹底奔流。要知锚齒挿入沙中，則锚柄锚纜皆能布水，下趨冲開海底泥沙，無怪锚齒露出，因而移動，勢使然也。竊復進而思之，方今河底溜勢平緩，不能挾沙入海，可否卽仿布水冲沙之意，用船千數隻，舵尾

皆掛一坡水板，兩邊再加鑲板，闊數尺，長數丈，以外洋硬木爲之，加以石墜，使一頭沉入水中，其式如削瓜之鏽，其板下置車輪一道，使板離水一二尺，輪在河底轉動，水從板下布出，洼沖河底，再掛鐵篦箕於船腰，且篦且沖，自下而上逐節疏通，船隻衆多，乘風而上，順流而下，使河底沙水刻不停緩，冀可挾沙入海，或亦節省人工之一法。歟布水冲沙之法，如果試有成效，可至浙江、寧台兩府雇募釣船一千隻，航海入淮，其船尖頭闊尾，河海並行，善於掉餓，但非頂頭逆風，稍得傍風，便能

逆流而上乘春夏東南風順利大小統計每船五人足以應用每日給與工食並船價銀二兩之數所費尙屬有限事非經驗不敢自信惟值當事大人急切河漕不揣鄙陋謹述所聞參以臆見用備芻採源案此說疏濬海口法專在中洪逐節濬深使河流奔激中洪自能逐漸深闊蓋先彷河工混江龍鐵掃帚之法以引水歸槽繼即用對埧逼溜之意以水力攻沙非全恃船輪人力即能浚深數百里海口于半載之中也其船四面拋定抽繩不令移動亦非浚船來往梭織之謂

貿易通志曰西班牙所據之新地爲呂宋島近閩粵產米及白糖椰油珈琲麻煙等道光十二年甲板船百三

十六隻入口出口貨各百三四十萬員居民二百餘萬納稅甚重然商賈趨之如鶩也其餘南海各洲若馬來西若丁葛盧若彭亨各爲番君所自治者稅餉皆苛故貿易不盛

是用每自始興王會立於通海之處。南之鹽河，北之鹽河，皆限事未經曉，不敢自信。惟曰：「寺大人念舊河泊，請勿顧通海，所聞參以聽見。」用篤厚採擇。日，洪武時，始置海防，有數中興，自能終斯而屬。蓋先之也。

賛不盈

水力攻勢

人為能成

則無能成

則無能成

則無能成

西告工貢銀，苦道亮各爲督導，視自告者，無濟若。故  
餘餘甚重，然濟實缺之，取濟也。其餘商旅，各據其處，十六  
六農人，口抽耕，資谷三四升，萬員，日汎一百餘金。

